

Carta a los HEBREOS

Ī macꞥ sꞥorine ĩ ocare Dios ĩ gotimasiore queti

¹ Tirũmꞥjꞥ cojoji me mani ñicꞥare Hebreo masare ĩnare gotimasioñuju Dios. Īre gotirẽtobosariarã sꞥorine ĩnare gotimasiñuju ĩ. ĩna gotise rĩ me ĩnare yimasiomasiñuju. Gajeye quẽne, ricati ĩnare ĩ yiroticõamasire rãca ĩnare yimasiomasiñujarã. To bajiri, “To bajiro tꞥoĩagũ ñagũmi”, yimasiñujarã ĩna, mani ñicꞥa.

² To bajiri yucꞥrirema, Dios ĩ macꞥre manire ĩ cõajare, quẽnaro Diore masiaja mani. Macarꞥcꞥro, õ vecaye ñajediro ĩ macꞥ sꞥorine tire rujeomasiñuju Dios. Ī macꞥne ñaami, “Jediro macarꞥcꞥroayere cꞥorꞥcꞥja mꞥ” ĩ yimasir'i.

³ Dios macꞥre ajitirũnrã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ macꞥre masirã. Ī macꞥre quẽnaro masicõari, “Ī jacꞥre bajirone bajigũ ñagũmi”, yimasiaja mani. Ī macꞥne ñaami, “Adi macarꞥcꞥroaye bajimꞥorũgõato” yirotimasir'i. ĩne ñaami, Diore ajitirũnrã rojose mani yise vaja manire rijabosacõari, Diorãca ñajedirore rotigũ.*

*“Ángel mesa rẽtoro ñamasugũ ñaami Dios macꞥ”,
yire queti*

* 1:3 Jn 1.1-3.

4 To bajiri adirūmari Diorāca rotigū ñari, Diore moabosarā ángel mesare rētoro ñamasugū ñaami Dios macu.

5 Ī sīgūne ñamasugū ĩ ñajare, ado bajise ĩre yiyumi Dios:

“Adirūmane yu macu ñari, yure bajiro rotisurocujaja mu”, ĩre yimasiñuju Dios.

Ángel mesarema, to bajiro ĩnare yibesumi Dios. Gājerāre quēne, ti ũnire yibecune ĩ macu sīgūrene tūoĩagū, ado bajiro yiyumi Dios:

“Ī jacu ñaja yu. To bajiri yu macu ñaami”, ĩre yiyumi.

6 Ī macu ñamasugūre, adi macarurojare ĩre cōagū, ado bajise ĩre yiyumi:

“Ángel mesa quēne mure rācubuo jedicōararāma ĩna”, yiyumi Dios.

7 ĩre moabosarimasa ángel mesare yigū, ado bajiro yiyumi Dios:

“Ángel mesare yu rotijama, yoaro me mino ti vēatuvasere bajiro yoaro mene yure cādirarāma. To yicōari, jea ũjuse guaro ti ũjūjēniore bajiro yure moabosararāma ĩna”, yiyumi Dios, ángel mesa ĩre ĩna moabosarotire yigū.

8 Ī macu ñamasugūre yigū, ado bajirojua yiyumi Dios:

“Yu macu ñari, Dios ñaja mu. Mu rotise jedibetiruroja. Masare mu rotijama, yu bojarore bajirone quēnaro rotirucujaja mu.

9 ‘Yu bojarore bajiro quēnaro yigū, rojosejarema yibetirucujaja’ yitūoĩarūgūcaju mu. To bajiro yicacu mu ñajare, ‘Gājerā rētoro ñamasugū

ñaja' mure yaja yu. To bajiro mure yu yijare, buto variquēnaja m», yiyumi Dios, ĩ macure.

10 Quēna gajeye ado bajise yiyumi Dios, ĩ macure yigu:

“Rēmojne adi macarucurore rujeomasicaju m».

11 M» rujeomasicati jedirone ti jedicoaboa-jaquēne, m»jama, ñacōa ñarũgũroc» ñaja m», Dios ñari.

12 Sudi ĩna sãñasosere vejecōari, gajeye quēnase ĩna vasoasãñarore bajiro, adi macarucuro ñase ti jedirore quēna gajeye vasoarucuja m». M»ma, rijabetiroc» ñari, m»ne ñacōa ñarũgũrucuja m», ĩ macure yiyumi Dios.

13 Quēna, ĩ mac» sũgũrene ado bajise yirũcũbuoyumi Dios:

“Rũcũbuorijajure rujiya maji. Mure ĩaterãre, ‘Rojose yitujaya’ ĩnare yu yiro bero, rojose yimasibetiruarãma. To cōrone rotisũorucuja m», yirũcũbuoyumi Dios, ĩ macure.

Ángel mesarema, to bajiro yibetimasĩuju Dios.

14 Ángel mesama, ruyumena ĩre moabosarã ĩ cōarã ñarãma. To bajiri, Diore ajitirũnrã õ vecaju quēnaro ĩ rãca ñaronare ejarēmorã ñarãma ángel mesa.

2

“Ĭ mac» sũorine quēnaro manire Dios ĩ yiotire ajitirũn» tujabetiroti ñaja”, yire queti

¹ Dios mac» ñamasugũ ĩ ñajare, ĩ ocare butobusa ajitirũn»to mani, tire mani ajitirũn» tujajama, “Quēnaro manire Dios ĩ yiotire masiriticōari, rojose yirobe” yirã.

² Tirãmujũ ángel mesa sũorine, Dios ã rotimasire Moisere ejamasĩnju ti. Tire, “Dios ye masu ñañuja”, yimasijaja mani. Tire cãdibetimasiriarã ñaboarine, rojose Dios ã yiotire masicõari, bojabetimasijnjarã. To bajiro bajirã ñaboarine, rojose tãmũo jedicõamasijnjarã ãna.

³⁻⁴ To bajiri Dios ã yirere masiboarine, ã rotimasire rẽtoro quẽnasere mani ajitirãnũ tũjajama, “No bajirojũa yicõari rojose manire yibeticõato Dios”, yimasibetirũarãja. Rẽmojũne mani mũũ Jesús ñañuju, adirodori Dios ã yarãre quẽnaro ã yiotire gotisũor'i. ãre ajiriarã, ti ocare manire gotirẽtocama ãna. To yicõari, Dios sũorine jairo ãããñamanire manire yĩocama. To yicõari, Dios ã bojarore bajiro ãna yimasirotire yigũ, tocãrãcũrene ricati rĩne ã masisere ãnare mũjoyumi Esp'iritu Santo. To ã yijare, manire quẽnaro gotimasiocama ãna. To bajiri, “Cristo oca socase mene bajijaja ti”, yimasicoacajũ mani quẽne.

Jesucristo manire bajigũ ã ñare queti

⁵ Diore moabosarã, ángel mesarema, “Adi macarũcũro jedirore rotirũarãja mũũ”, ãnare yibesuju Dios.

⁶ Masajũarema, “Adi macarũcũrore rotirũarãja mũũ”, ãnare yimasijnju. Sĩgũ, Diore ã sãnirere ucagũ, ado bajise ucamasijnumi:

“Dios, ¿no yigũ ñamasurã me yũã ñaboajaquẽne, yũare masiritibeati mũũ?”

⁷ ‘Ángel mesare bajiro bajibeticõato’ yigũ, ‘Ñamasurã me ñarũarãma’, yũare yiyuja mũũ. To bajiro yũare yicũr'i ñaboarine, ‘Ñamasurã ñato’ yũare yicũñuja mũũ quẽna.

8 ‘Adi macarucuro ñase jediro m̄ cūrere rotimasiato’ yiḡ, ȳare cūñuja m̄”, yiucomasiñuju sīḡ, Diore sēniḡ.

“Noaj̄ane masare c̄dimena manir̄arāma” Dios ĩ yire ti ñaboajaquēne, ñajediro manire c̄dijedibeam̄a maji.

9 To bajiboarine, sīḡ adi macarucuroaye jediro rotimasiḡure masiaja mani, Jesús vāme cutiḡure. ĩ bajirere ado bajiro masiaja mani: Ángel mesa rētoro ñamasuḡ ĩ ñaboajaquēne, “Yoaro meaca ñamasuḡ mere bajiro bajir̄uc̄mi” yiḡ, adigodoj̄ure ĩre cōañumi Dios. To bajiro ĩ yicōar’i ñari, manire rijabosayumi Jesús. Rojose tām̄ocōari, ĩ rijabosare ñajare, “Jediro ĩj̄ ñamasuḡ ñar̄uc̄mi”, ĩre yiyumi Dios.

10 Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiñar̄uḡaja. Jediro Jesucristo s̄orine, “Ȳ yarā ñaama” Dios ĩ yīārā, “Ȳ t̄j̄ ejamasir̄arāma”, ĩnare yiyumi Dios. To bajiro yiḡ ñari, “Rojose ĩna tām̄oborotire yirētobosaaya” yiḡ, ĩ mac̄re cōañumi Dios. To bajiro ĩ yiroticōajare, rojose tām̄ocōari, manire rijabosayumi Jesucristo.

11 To bajiri, Jesúrāca ñarā ñari, sīḡ rīare bajiro bajirā ñaja mani. Mani quēne, Dios rīa mani ñajare, bojonebec̄ne, “Ȳ bederā ñaama”, manire yiḡmi Jesús.

12 To bajirone gotiaja Dios ocare masa ĩna ucamasire:

“M̄ bajisere ȳ bederāre ĩnare gotir̄uc̄ja ȳ. ĩna rāca rējacōari, m̄re variquēnarā, basar̄arāja ȳ”, yigotiaja.

13 Quēna gajeye ado bajise gotiaja, Jesús Diore ï yiro tire yiro:

“Yure ejarēmōrūcūmi’ Diore ïre yitūōīaja yū”, yigotiaja.

Quēna gajeye, ado bajiro gotiaja:

“Yū rīare bajiro bajirā ñaama’ Dios ï yicana rāca adojū ñaja yū”, yigotiaja, Jesús ï yiro tire yiro.

14 Mani, Dios rīa, sīgūre bajirone ruju cūti, ri’i cūti bajaiaja mani. To bajiri, Jesús quēne, Dios macū ñaboarine, manire bajirone ruju cūticōari, manire rijabosayumi. To bajiro ï bajijama, ï rijabosase sūorine rojose tāmūotūjabetiriarojū masare vāti ï varotiboasere tire tegū bajiyumi.

15 Adi macarūcūro ñarā rojose yirā ñari, bajireacōari bero, “Rojose yiecorūarāja” mani yitūōīagūiboarere “To cōrone gūitūjato ña” yigū, manire rijabosayumi.

16 To bajiri, “Ángel mesare ejarēmogū bajiyumi Jesús”, yibeaja mani. Ado bajirojūa yimasiaja mani: “Diore Abraham ñamasir’i ï tūōīariarore bajiro tūōīarājūare manire ejarēmogū bajiyumi”, yaja mani.

17 To bajiri manire bajiro ruju cūticōari rojose tāmūoñumi Jesús. Adi macarūcūro ñagū paia ũju ï ñagōbosaro rētoro ï jacū ï ñarōjū ï rijabosariarāre “Ñagōbosagūsa” yigū bajiyumi Jesús. Dios ï ñajama, masa ña bajisere quēnaro gotirētobosagū, to yicōari masa rojose tāmūorāre ñnare ñamaigū ñañumi. Ñne ñañumi masa rojose ña yise vajare “Ñnare masirioato Dios” yigū, rojose tāmūocōari, ñnare yirētobosar’i.

18 Cojojirema Dios ï bojarore bajiro ï yise, bato josarũgũñuju ti, Cristore. To bajiri rojose tãmũoñuju ï. To bajirone bajiaja manire quêne. Manire bajiro bajir'i ñari, Diore mani cadiroti ti josajama, manire ejarẽmomasiami Jesús, “Yũre bajiro ñna quêne, Dios ï bojasere yato” yigu.

3

“Moisés rëtoro ñamasugũ ñagũmi Jesús”, yire queti

¹ To bajiri, “Jesús manire ejarẽmogũ ñaami”, yimasiaja mani. Manijua, “Dios ï ejarẽmose rãca Cristore ïre ajitirũnuroti ñaja” yimasicõari, ïre cãdirã ñaja mani. “Yũ yarã ñato” Dios ï yiriarã ñaja. Jesújua ñagũmi, “Masare quẽnaro yũ yirotire gotiba” Dios ï yicõar'i. To bajicõari, tirãmaja paia ujarã ñna yisoadimasire ùnire yigu, Cristo quêne rojose mani yisere “Masirioato Dios” yigu, manire sënibosagu ñagũmi. To bajiri, “Ñamasugũ ñagũmi Jesús”, yitaoĩato mani.

² Adì macarucurojũre ñagũ Dios ï rotirore bajirone yigu, Dios yarã masare quẽnaro ejarẽmoñumi Jesús. To bajirone yimasiñuju Moisés ñamasir'i quêne. Dios ï rotirore bajirone yigu, Dios yarãre quẽnaro ejarẽmomasiñuju.

³⁻⁴ Quẽnaro ñnare ejarẽmomasir'i ñaboarine, “ ‘Rojose mana ñaama’ Dios ï yĩarã ñato”, yimasibetimasinuju. Jesújua, “ ‘Rojose mana ñaama’ Dios ï yĩarã ñato”, yimasigũ ñaami. To bajiro yigu ï ñajare, Moisés ñamasir'i rëtoro Cristore rucuburoti ñaja.

⁵ Moisés ñamasir'ijua, Dios moarimasare bajiro bajimasiñuju. To bajicõari, Dios ï yirotire bajirone cãdigu, Diore ajitirũnũrãre quẽnaro

ejarēmogũ ñamasiñuju. To bajiro ï yimasirere t̃oĩacõari, “Cristo s̃ori Dios manire quẽnaro ï yiotire gotimasiogũ yimasiñumi Moisés”, yimasiaja mani.

⁶ Cristoj̃ama, Dios moarimas̃ure bajiro me bajiyuju. Ì ñaami Dios mac̃, ï rotirore bajirone yig̃. To bajicõari, Dios yarã uj̃ ñaami Cristo. “Cristo s̃ori quẽnaro Dios ï yiotire yiecor̃arãja mani” mani t̃oĩat̃ujabetijama, ï yarã ñacõa ñarũgũr̃arãja.

“Diore ajitir̃ñ t̃ujabesa m̃a”, yire queti

⁷ To bajiri Dios yarã ñari, Cristore ajitir̃ñ t̃ujabeticõato mani. Dios ocare masa ña ucamasire Dios yarãre gotig̃, ado bajiro yimasiñumi Esp'iritu Santo:

“Yuc̃ne m̃are ỹ gotisere m̃a ajijama, ỹ yiotirore bajiro c̃diya.

⁸⁻⁹ ‘M̃are ajitir̃ñmenaja ỹa’ yibesa. M̃a ñic̃a ỹre j̃ñisinicõari, ña c̃dibetimasicatire bajiro bajibesa m̃a. M̃a ñic̃a, masa manoj̃ ña ñacudiro, j̃arã masa cõro ñaric̃mari ñaĩañamanire ñare yĩorũgũboacaj̃ ỹ. To ỹ yiboajaquẽne, ỹre ajir̃c̃b̃omena ñari, ado bajise yirũgũcama ña: ‘Mani bojasej̃a mani yijama, ¿no bajise manire yirojari Dios?’ yirũgũcama ña.

¹⁰ To bajiro ña yisere j̃ñisinicõari, ado bajise ñare yicaj̃ ỹ: ‘Ỹre ajiterũgũaja m̃a. To bajiri, “Ado bajiro t̃oĩagũ ñagũmi”, ỹre yimasi-beaja m̃a’, ñare yicaj̃ ỹ.

¹¹ Quẽna gajeye ñare goticaj̃ ỹ: ‘Riojo m̃are gotiaja ỹ. Ỹ rãca quẽnaro m̃a ñasere

bojaboacajm ym. To bajiboarine cojoji me mñajma yure mña ajibetijare, ym rãca quẽnaro ñabetiruarãma' yicõacajm ym", yigotimasiñumi Dios ĩ cõagũ Esp'iritu Santo.

12 To bajiri mani ñicua Diore ĩna ajitirũnm tujamasiriarore bajiro bajibesa ym yarã mña. Sīgũ mani ym, "Dios ocare socase ñaja" ĩ yisere ajicõari, quẽnaro ĩre gotimasioña, "Masirẽtogũ Dios yere ajitirũnm tujaromi" yirã.

13 Dios ocare gãmerã gotivariquẽnaña mña. "Maji busiyu gãmerã gotiroti ñaroja", yitũoĩabesa, mña rãcana sīgũri vãti ĩ rotisejũare cũdicõari, " 'Dios oca socase ñaja' yiroma" yirã. To bajiri tocãrãcarũmune gãmerã goticõa ñarũgũroti ñaja mñare, "Tire ajitirũnm tujabeticõato" yirã.

14 Tirãmujm, Cristore ĩre mani ajitirũnmucatore bajirone ĩre ajitirũnucõa ñaroti ñaja manire. To bajiro mani bajicõa ñajama, mani bajirearo berojm õ vecajm Cristo rãca quẽnaro ñacõa ñarũgũrãrãja mani.

15 Tire mñare ym gotirore bajirone gotiaja Dios ocare masa ĩna ucamasire:

"Yucũne mñare ym gotisere mña ajijama, ym yirotiore bajiro cũdiya. 'Mũre ajitirũnmenaja ym' yibesa. Mña ñicua yure jũnisinicõari, ĩna cũdibetimasicatire bajiro bajibesa mña", yigotiaja Dios ocare masa ĩna ucamasire.

16 Mani ñicua ĩna bajimasirere tũoĩaña mña quẽna: ¿Ñimarã ñañujari Dios ĩ masune ĩ gotisere ajirã ñaboarine, cũdibetiriarã? Egipto sitajm ñarãre, Moisés ĩ ũmato variarãne bajiyuma.

17-18 Juarã masa cõro ñaricãmari, Diore ãna cãdibetijare, buto jũnisiniñuju Dios. Ñare jũnisinicõari, ado bajiro ñare yimasiniñuju Dios: “Riojo mware gotiaja yu. Quẽnari sitare mware yu ujoꝛuaboacatore ejabetiruãrãja muã”, ñare yimasiniñuju Dios. To bajiro ã yire ñajare, ti sitaju ejamenane, masa manojũ ña ñacudimasiriarojũne bajireacoamasiniñujarã ña.

19 Tire ajicõari, “Diore ajiruãcubobetiriarã ñari, ti sitajure ejabesuma”, yimasiaja mani.

4

1 To bajiri mani ñicua ña bajiriarore bajiro bajibeticõato mani. “Yu yarã, yu rãca quẽnaro ña ñasere bojaja yu” ñare Dios ã yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũgũrãsa” yirã.

2 Ñare Dios ã yimasiboariarore bajiro manire quẽne quẽnaro ã yirotere ajicaju mani. Mani ñicujũama, Dios ocare ajirã ñaboarine, ñare ã gotiriarore bajiro ña bajibetijare, “Toju ñaruãrãja” ã yimasiboariarore ejabetimasiñujarã.

3 Manijũama, Diore ãre ajitirũnu tujabeticõato mani. ãre ajitirũnurã rĩne ñarãma quẽnaro ã rãca ñarona. To bajiro ti bajijare, ado bajise ñare gotimasiñuju Dios, mani ñicware:

“Riojo mware gotiaja yu. Mware buto jũnisinicõari, yu rãca quẽnaro ñabetiruãrãja muã”, ñare yimasiniñuju Dios, ãre ajitirũnubetiriarãre.

To bajiboarine adi macarucurore rujeogujũne, “Masa yu beserã rãca quẽnaro ñarucuja yu”, yitũoĩacõamasiñuju Dios.

⁴ To bajiro ï yimasirere masiaja mani, Dios ocare masa ïna ucamasire ado bajise ti gotijare:

“Adi macarucaro ñase jedirore rujeojeocõari, cõjomo cõro, gaje ãmo, jua jënituarirũmure quënarõ ñacõamasiñuju Dios”, yigotiaja Dios ocare masa ïna ucamasire.

⁵ To bajiri, “Yũ ñarore bajirone quënarõ yũ rãca ñaruarãma” ï yiboarere ïna ajitejare, ado bajiro ïnare yimasiñuju Dios:

“¡Yũ rãca quënarõ ñabetiruarãja mua!”, yimasiñuju.

⁶ “Yũ rãca quënarõ ñato ïna” yigũ, Dios ï yimasirere ajiriarã ñaboarine, ï rãca quënarõ ñabetimasiñujarã ïna. To bajiboarine, masa rãca quënarõ ï ñarotire bojacõa ñaami Dios.

⁷ To bajiri mani ñicua ñamasiriarã ï gotirere ajitemasiriarã bero yoatojũ David ñamasir'i Diore ajicõari, ado bajiro ucamasiñuju:

“Yucũne mure yũ gotisere mua ajijama, yũ yirotirore bajiro cãdiya. ‘Mure ajitirãnumenaja yua’ yibesa mua”, yucamasiñuju David ñamasir'i, Dios oca tutijũ.

⁸ Diore ajitemasiriarã ïna bajireajediro bero, ïna rãa ñamasiriarã mani ñicure ïnare ãmato vamasiñuju Josué ñamasir'i, Dios ïnare ï ãjomasiriarõjare. Tojũ quënarõ ñamasiñujarã ïna mani ñicua. Quënarõ ñaboarine, Diorãca quënarõ ïna ñabetijare, ado bajiro yimasiñuju Dios: “Yucũne mure yũ gotisere mua ajijama, yũ yirotirore bajiro cãdiya”, ïnare yimasiñuju quëna.

⁹ To bajiri mure yũ gotisere ajicõari, ado bajiro ajimasirãja mua: “Dios yarã, ï rãca quënarõ ïna ñacõa ñarotire bojacõa ñagũmi”, yimasirãja mua.

Diorãca quẽnaro mani ñase ado bajiro bajiaja: Dios adi macarucuro rujeogajanocõari, quẽnaro ñacõamasifñuju. Tire bajirone bajiroja, Diorãca quẽnaro mani ñacõa ñase quẽne.

¹⁰ Adi macarucuro ñase jediro rujeogajanoacu, ã bojarore bajiro ti bajirotire masicõari, quẽnaro ñacõamasifñuju Dios. Ìre bajiro quẽnaro ñarucumi, “Ado bajiro m̃a yijama, yu rãca quẽnaro ñarucuja m̃a” Dios ã yirotsere cudigu quẽne.

¹¹ To bajiri ã rãca quẽnaro mani ñasere Dios ã bojajare, quẽnabusaro ãre ajitirũnuto mani, “Ì rãca quẽnaro ñarãsa mani” yirã. Mani ñicua Diore ajitirũnubeticõari, ã rãca quẽnaro ãna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirũnucõa ñaroti ñaja”, m̃are yigotiaja yu. Masijeogu ã ñajare, “To bajiro bajiruroja” ã oca ti yigotirore bajirone bajiruroja ti. Jariase j̃ajacat̃aj̃ne b̃jariase mani usuj̃ ti ejarore bajiro bajiaja Dios oca, mani ajise. To bajiri, mani t̃oĩase, “Masibecumi Dios” mani yiboasere quẽne ãamasigũ ñaami Dios. Ì oca s̃orine, “Rojose ñaja; quẽnase ñaja”, yit̃oĩamasiaja mani.

¹³ Disejua Dios ã rujeorere ãre yayiomasiña manoja. To bajiri, disej̃ane mani yise, mani t̃oĩase quẽne, ã masibeti manoja. Ì ñagũmi, ñajediro mani yisere mani gotirocu.

“Paia uj̃ rẽtoro ñamasugũ ñagũmi Cristo”, yire queti

¹⁴ Cristo, paia uj̃ rẽtoro ñamasugũ ñagũmi. Dios macu ñari, ã t̃aj̃ manire ñagõbosagu ñagũmi. To bajiri, ãre ajitirũñ t̃aj̃abeticõato mani.

15 “Cristo adi macarucuroju ã ñaro, Dios ã bojabetire yato” yigũ, manire ã yicoderũgũrore bajiro Cristore quẽne rojosere ãre yirotirũgũboayuju Satanás. To bajiboarine rojose yibesuju Cristo. “Yure quẽne rojose yirotirũgũcami Satanás; ãnare quẽne to bajirone yami” yimasigũ ñari, “Dios ã bojarore bajiro ãna yirũaboase ãnare josaja ti” yigũ, manire ãamaicõa ñagũmi. Manire ãamaicõari, paia uju rẽtoro ñamasugũ ñari, “Mure ajitirũnu tujabeticõato ãna’ yigũ, ãnare ejarẽmoña”, ã jacure manire yisẽnibosarũgũgũmi.

16 To bajiri mani quẽne, Diore güimenane, sẽniroti ñaja. ãre mani sẽnijama, rojose mani yise vaja rojose manire ã yiborotire manire ãamaicõari, yibetirucumi. No bojarijune ã ejarẽmosere mani bojajama, quẽnaro manire ejarẽmorucumi.

5

1 Mani ñicua ãna ñarirodore ñamasiñuju paia uju ñamasugũ, Dios ã beser'i, “Masare ejarẽmoato” yigũ, ã cũr'i. Ado bajiro yirũgũmasiñuju: Vaibucurã ãre ãna ãsisere quẽne boca juacõari, soemobosarũgũñuju, rojose ãna yisere “ãnare masirioya mu” ãnare yisẽnibosagu.

2 ã quẽne, manire bajirone bajigu ã ñajare, Dios ã rotise yimasijeogu me ñamasiñuju ã. “Yure quẽne josaja” yitũoñagũ ñari, “Gãjerã Diore ajitirũnarãre, to bajirone bajiroja”, yĩamaiñuju.

3 Manire bajirone rojose yigu ñari, “Rojose yu yise vaja yure masirioato Dios” yigu, gãjerãre ã sẽnibosaroto rĩjoro, ã quẽne vaibucu rii soemorũgũñuju.

⁴ Nijũane, “Yũ ñagũsa paia uju”, yibetimasĩñuju. Gãjerã quẽne, “Ĩ ñato”, yibesujarã. Dios sĩgũne, “Mũ ñarũcũja paia uju ñamasugũ”, yimasigũ ñamasĩñuju ĩ. To bajiri, Aarón ñamasir'ire, “Paia uju ñaña”, ĩre yicũsũomasĩñuju Dios.

⁵ To bajirone ĩre yiyumi Jesucristore quẽne. Dione ĩre cũñumi. To bajiri ado bajise ĩre ĩ gotirotire ucamasĩñuma masa:

“Adirũmũne yũ macũ ñari, yũre bajiro rotisũorũcũja mũ' yami Dios”, yucamasĩñuma ĩna, Cristore, Dios ĩ gotirotire yirã.

⁶ Gajeye ĩ macũre ĩ gotirotire ado bajise yiuca-masĩñuma ĩna:

“ “Masa rojose ĩna yisere ĩnare masirioya” ĩnare yisẽnibosagũ ñarũcũja mũ' mũre yaja yũ. ‘Paia uju ñamasugũ Melquisedec ĩ bajicatore bajiro bajirũcũja mũ' mũre yaja yũ”, yiuca-masĩñuma ĩna, ĩ macũre Dios gotirotire yirã.

⁷ Cristo, manire bajiro ruju cãticõari, adigodoju ñagũ ĩ bajirocaroto rĩjoro, Diore bũto sẽnirũgũñuju ĩ. Otigũne, ado bajise jacase sẽnĩñuju ĩ: “Cacũ, ‘Yũre sĩabeticõato ĩna’ yigũ, yũre ejarẽmoña. To bajiboarine, mũ bojarore bajirone bajirũaroja”, yiyuju Cristo, ĩ jacũre. ĩ rotirore bajiro yigũ ĩ ñajare, ĩre ajicõari, “Yũ bojarore bajirone bajiato” yigũ, ĩre ejarẽmoñuju Dios.

⁸ Dios macũ ñaboarine, rojose tãmũoñumi Cristo. “Rojose tãmũoboarine, Diore cãdicõa ñaroti ñaja”, yitũoĩañuju. To bajiro bajica yigũ, ñajediro Dios ĩ rotirore bajirone yiyuju Cristo.

⁹ ĩ rotirore bajirone ĩ cãdijeocõajare, “Mũ sũori ĩna rijato beroju, mũ rãca ñacõa ñarũgũũarãma ĩna,

m̄are ajitir̄an̄r̄ã”, ĩre yiyuju Dios.

¹⁰ To bajiri, “Paia ɱɱ ñamasugũ Melquisedec ñamasir'i ĩ bajicatore bajiro bajirɱɱɱja m̄” Dios ĩ yir'i ñagũmi Cristo.

“Jesucristore ajitir̄an̄ t̄ɱjabetiroti ñaja”, yire queti

¹¹ “Tir̄m̄ɱɱ paia ɱjarã ĩna yis̄oadimasire ũnre yiḡ ñaami Cristo” yɱ yigotir̄em̄or̄aboase jairo r̄ɱyaja maji. Tire ajimasijeomenaja m̄a, b̄to m̄are ti josajare.

¹² Tir̄m̄ɱɱ, Cristore ĩre ajitir̄an̄s̄ocajɱ m̄a. To bajiri tire qūenaro buec̄ari, b̄to b̄sa ĩ bojarore bajiro m̄a yir̄tu vajama, j̄ere ĩ ocare masare gotimasiocoarona ñaja m̄a. To bajiboarine, “Maji, josabetij̄are ȳare gotimasioc̄a ñaña” yit̄oĩar̄are bajiro bajijaja m̄a.

¹³ R̄ıamasa ũjur̄acare bajiro ñaja m̄a. To bajiro bajir̄a ñari, “Qūenase ñaja; rojose ñaja” ĩna yimasi-betore bajiro bajir̄a ñaja m̄a.

¹⁴ R̄ıamasare bajiro me bajijama b̄s̄acoanaj̄ama. T̄oĩamasicoana ñari, “Qūenase ñaja; rojose ñaja” yit̄oĩamasic̄ari, Dios ĩ bojarore bajiro yir̄a ñaama.

6

¹ To bajiri Cristo oca ñamasuse ti ñajare, “Yɱ go-tisere ajimasiriaro maja m̄a” yɱ yisere gotiḡaḡ yaja, Dios ĩ bojarore bajiro m̄a yivotire yiḡ. J̄ere Cristo oca josabetib̄sasere masijaja mani. Adi ñaja Cristo ye mani bues̄ocati: “Rojose yit̄ɱjac̄ari,

quēnasejuaare yituoīaroti ñaja manire” yirere buecajꝯ mani. “Diore mani ajitirūnꝯbetijama, rojose tāmꝯotꝯjabetiriarojꝯ varꝯarāja mani” yirere quēne buecajꝯ mani.

² Gajeye ado bajiro buecajꝯ mani: “Cristore ajitirūnꝯrā ñaja yꝯa” yirāre oco rāca ĩna bautizasere quēne buecajꝯ mani. To yicōari, “Esp'iritu Santo, mꝯa rāca ñarꝯcꝯmi” yirā, ĩnare ĩna āmo ñujeosere quēne buecajꝯ mani. Quēna gajeye ado bajise buecajꝯ mani: “Cristore ajitirūnꝯrā, bajireacoaboarine, tudicaticōarꝯarāma” yirere quēne buecajꝯ mani. To yicōari, masare Dios ĩ beserotire quēne buecajꝯ mani.

³ Ti ñacajꝯ Dios oca josabetibꝯsa mani buesꝯocati. To bajiri, josasere quēne buemasicōari, bꝯtobꝯsa ĩ bojarore bajiro yirūtuajaro mani, Dios ĩ bojjama.

⁴⁻⁶ Sigāri Dios ocare ajitirūnꝯrā ñarāma maji. To bajicōari, Esp'iritu Santore cꝯorā ñarāma. To yicōari, Dios ĩ bojasere yirā ñarāma. Dios ĩ masise rāca ĩaīañamanire yīoecoriarā quēne ñarāma. To bajiro yirā ñaboarine, ĩna ajitirūnꝯ tꝯjjajama, jꝯaji ajitirūnꝯbetirꝯarāma. To bajiro ĩna bajijama, Jesucristore ĩatecōari, yucútēroꝯ ĩre jajuturiarā ũnane ñarā bajirāma ĩna. To bajiro ĩna bajijare, gājerā quēne Dios ocare ajirꝯcꝯbꝯobeticōari, ajarāma.

⁷ “Dios ocare ajicōari, quēnaro ote vānꝯri sitare bajiro bajiaja mani” yigꝯ, ado bajise mꝯare gotiaja yꝯ: Vese ote ñarivesere oco ti quediro bero ote quēnaro ti vānꝯrore bajiro bajiroti ñaja manire. To bajicōari, ti sitajꝯre ote vānꝯcōari, quēnaro ti rica cutijama, variquēnagꝯmi ti vese ꝯjꝯ. To bajiri, ote rica cuti vese ĩ ĩavariquēnarore bajiro manire quēne

ĩavariquēnagūmi Dios, ĩ ocare ajicōari, ĩ bojarore bajiro mani yijama.

8 To bajicōari, gajejuma vese yiriaju sita quēnabeto ñari, oco ti quediboajaquēne, ote vānubetone, vidise rīne ti judijama, “Sita quēnabeto ñaja” yigu, tire soereacōagūmi ti vese uju. Tire bajirone Dios ocare ajiboarine, ajitirūnu tujacōari, ĩ bojabetire ĩna yijama, rojose tāmūotujabetiriaroju ĩnare reacōarucūmi Dios.

“Yure yirētosarucūmi Cristo’ mani yitūoĩacōa ñajama, quēnaja”, yire queti

9 “Ado bajiro bajirāma Cristore ajitirūnu tujarā” mūare yu yigotimasiosere, “Mūane ñaja Diore ajitirūnu tujarona” yigu me yaja yu. Quēnaro mūa yirere ajicōari, “Jesucristo sūori Dios yarā ñarāma”, mūare yaja yu. To bajiro mūare yimasicōari, “Būtobusa Dios ĩ bojarore bajiro yirūtu varuarāma ĩna”, mūare yaja yu.

10 Quēnaro riojo yigu ñaami Dios. To bajiro yigu ñari, ĩ bojarore bajiro quēnaro mūa yirere masiritibetirucūmi. To bajiri, gājerā Dios yarāre mūa ejarēmorerere ajicōari, “Diore rūcubūorā ñarāma”, mūare yimasiaja yu. ĩnare ejarēmocōa ñarāja mūa maji. Tire quēne masiritibetirucūmi Dios.

11 To bajiro quēnaro mūa yirūgūse quēnaja ti. Variquēnase rāca Dios ocare ajitirūnu tujamenane, ñajediro quēnaro mūa yirūgūrore bajirone gāmerā yicōa ñarūgūroti ñaja. To bajiro mūa yicōa ñajama, “Cristo sūori quēnaro manire yirucūmi Dios” mūa yitūoĩarore bajirone mūare yirucūmi.

12 Dios ocare ajiterāre bajiro mūa bajisere bojabeaja yu. To bajiri, “Bajirūaroja” ĩnare ĩ yirere aji-

tirũnũ tujabetiriarãre bajirojũa bajiya mũa quẽne. Ìnare bajiro mũa bajijama, mũare ì gotiriarore bajirone mũare quẽne yirũcũmi Dios.

¹³⁻¹⁴ Abraham ñamasir'i ì bajimasirere tũoĩaña mũa. “Gãji yũre bajiro yigũ magũmi” yitũoĩagũ ñari, ado bajiro ìre gotimasiñuju Dios: “Mũre socabeaja yũ. Jãjarã jãnerabatia cõtirũcũmi' mũre yaja yũ”, ìre yimasiñuju Dios, Abraham ñamasir'ire gotigũ.

¹⁵ “Ì yirore bajirone yigũ ñaami Dios” yigũ ñari, “Socũ yigũmi” yitũoĩarejaibetimasiñuju Abraham, Dios ì yirore yugũ. To bajiri, Dios socabecũ ì ñajare, “To bajiro bajirũaroja” Abrahamre ì yimasiriarore bajirone bajimasiñuju ti.

¹⁶ To bajiri, manijũama, “Socũ me yigũmi' gãjerã yiajiato” yirã, masa rẽtoro ñamasugũ Dios vãme rãca yirũgũrãma. To bajise ìna yijama, “Socũ me yaja. Dios quẽne masigũmi”, yirũgũama. To bajiro ìna yisere ajicõari, “Socarã me yama”, yitũoĩarãma masa.

¹⁷ To bajiri, “Socũ me yigũmi Dios. Ì yirore bajirone yigũ ñagũmi' Abraham yũre yiajiato” yigũ, “Mũre socabeaja yũ”, yimasiñuju Dios.

¹⁸ Socagũ me ñaami. “Yirũcũja” ì yirore bajirone yigũ ñaami Dios. To bajiro yigũ ì ñajare, rojose tãmũotujabetiriarojũ mani vaborotire manire yirẽtobosacõari, “Quẽnaro ìnare yirũcũja” ì yiriarore bajirone manire yirũcũmi”, yitũoĩaja mani.

¹⁹⁻²⁰ To bajiro manire Dios ì yire ti ñajare, ì gotiriarore bajiro ti bajirore tũoĩacõa ñato mani. Diore yirũcũbũoriavi yotoriaro vajajũa Dios ì ñarisõajũre jãjaejacõari, “Rojose ìna yisere ìnare masirioya” yisẽnibosarimasa ñamasiñujarã paia ujarã. To bajiri, Cristo quẽne, ìna yimasiriarore bajiro yigũ, õ ve-

caju Dios ĩ ñaroju ejacõari, “Rojose ĩna yisere ĩnare masirioya”, manire yisēnibosa ñagũmi. Paia uju ñamasugũ Melquisedec ĩ yimasiriarore bajirone yigu, Cristo quēne, manire sēnibosacõa ñarucumi. Manire ĩ sēnibosa ñajare, “Dios ĩ yiriarore bajirone quēnaro manire yirucumi”, yimasiaja mani.

7

“Aarón ñamasir'i rētoro quēnaro manire yibosagumi Cristo”, yire queti

¹ Melquisedec, Salem macana uju ñamasiñuju. To bajicõari, pai ñamasiñuju. Ñajediro ujare Diore rucubugũ ñamasiñuju. Mani ñicu Abraham ñamasir'i gaje macariana ujarāre sīareacõari, ĩ ya macajare tudiamasiñuju ĩ. To bajiri ĩ tudiado, ĩre bocagu, vamasiñuju Melquisedec. ĩre bocacõari, ĩre sēnibosamasiñuju, “Quēnaro ĩre yato Dios” yigu.

² To ĩ yiro bero, gaje macariana ujarāre sīareacõari, ĩna ye gajeyeũni ñaboare ĩna juarere, juaãmo cõro ñaritubuari yicũcõari, cojotubua Melquisedec ñamasir'ire ĩsimasiñuju Abraham. “Melquisedec” ti yijama, “Uju quēnase rĩne yigu” yire ũni ñañuju ti. Salem macana uju ñamasiñuju Melquisedec. “Salem” ti yijama, “Quēnaro ñariamaca” yire ũni ñañuju. To bajiri, “‘Quēnaro gāmerã yiñato mani’ yigu ñamasiñuju Melquisedec”, yimasiaja mani.

³ Melquisedec jacua, ĩ yarã quēne, to yicõari, ĩ ruyuarere, ĩ bajirocarere quēne ucare ti maniboajaquēne, “Pai ñamasiñuju Melquisedec”, yigotiaja Dios ocare masa ĩna ucamasire. To bajise yiucare ti maniboajaquēne, “Diore sēnitujabetirimi”, yaja

mani. To bajirone bajiami Cristo quēne. “Īnare ejarēmoña’ manire yisēnibosa tajabecami”, yimasi-aja mani.

⁴ Abraham ñamasir'i ñamasugũ ĩ ñaboajaquēne, ĩ rētoro ñamasugũ ñamasiñuju Melquisedec. Gaje macariana ɯjarāre s̄iareacōari, ĩna ye gajeyeũni ñaboare ĩna juarere, juaāmo cōro ñaritubuari yicũcōari, cojotubua Melquisedec ñamasir'ire ĩsimasiñuju Abraham.^b

⁵ Abraham ĩ bajirocaro bero, gajerodoju, “Paia ñaruarāma ĩna Abraham jānami Lev'i vāme cutigu jānerabatia”, ĩnare yicũmasiñuju Dios. To bajiri, “Sīgũ jānerabatia ñaboarine, ĩna c̄osere, juaāmo cōro ñaritubuari yicũcōari, cojotubua ĩna yu Lev'i ya jūnanare paiaire ĩsiruarāma ĩna”, ĩnare yimasiñuju ĩ.

⁶ Lev'i cuti jūnagu me ñaboarine, Melquisedec quēne, Abraham ĩ ĩsire boca juamasiñuju ĩ. Abraham ñamasir'ire, “Mɯ suorine adi macarɯcuroana ñajedirore quēnaro yirɯcɯja yu”, yimasiñuju Dios. To bajiro ĩ yir'i ĩ ñaboajaquēne, Melquisedecjua ñamasiñuju, “Quēnaro mure yato Dios” Abrahamre yisēnibosagu.

⁷ To bajiri, “‘Quēnaro mure yato Dios’ yigujua ñaami ñamasugũ”, yimasiaja mani. Tire masirā ñari, “Abraham rētoro ñamasugũ ñamasiñuju Melquisedec”, yimasiaja mani.

⁸ Gajeyere quēne tuoñaña mu. Adirūmuri ñarā paia, Lev'i jānerabatia, manire bajirone bajirearuarāma ĩna quēne. Melquisedecjuaema, “To cōro bajirocamasiñuju”, yigotibeaja Dios ocare

^b 7:4 “Gājerā ĩna ĩsire boca juarā, ĩsirā rētoro ñamasurā ñaama”, yituoñañujarā hebreo masa.

masa ñna ucamasire. To bajiri, “Bajirocabetirimi”, yicōaja mani.

9-10 Abraham ñamasir'i, Melquisedere ï ïsirone, ï jānerabatia quēne berojɯ ruyuarona ñari, ñna quēne ïre ïsirāre bajiro yimasiñujarã. To bajiri Lev'i cūti jūnana quēne, Abraham jānerabatia ñari, Melquisedere ï ïsirone, ñna quēne ïsimasiñujarã. To bajiri, “Lev'i cutijūnana rētoro ñamasugū ñamasiñumi Melquisedec”, yimasiaja mani.

11 “Lev'i jānerabatia ñnaruarāma paia”, yimasiñuju Dios. Sigū Lev'i jānami ñamasiñuju Aarón vāme cutigɯ, paia ɯjɯ ñamasugū, Dios ï cūsɯomasir'ï. To bajiri Aarón, Lev'i jānami ï ñajare, “Aarón rētoro ñamasugū ñamasiñuju Melquisedec”, yimasiaja mani. Lev'i jānami Aarón, ñna jānerabatia quēne, Diore rūcɯɯorā masa ñna ïsisere ïnare yibosarimasa ñnacoadimasiñujarã ñna. Tire boca juacōari, Diore rūcɯɯorā tire soemɯomasiniñujarã ñna. “Rojose ñna yise vaja, rojose ïnare yibesa” masare yisēnibosarimasa ñnacoadimasiñujarã. To bajiro ñna yiboajaquēne, Diojɯa ï ïajama, rojose ñna yire ti ñacōajare, “Rojose mana ñnaama”, ïnare yīābetimasiñuju Dios. To bajiro ti bajijare, paia ɯjɯ ñamasugū Melquisedere bajiro bajigare, ï macure cōañumi Dios, “Masare yirētobosato” yigɯ.

12 ïre ï cōaro bero, “Masa rojose ñna yise vaja, rojose ïnare yibesa” yibosarimasa bojabesuju Dios. To yicōari, Moisére ï roticūmasirere ñna yiboarere quēne bojabesuju.

13-14 Adigodojɯ manire bajiro rujɯ cuticōari ruyuyaju mani ɯjɯ Cristo, Judá ñamasir'i cutijūnagɯ. To bajiboarine, Judá jānerabatiarema

“Paia ñabetiruārāma”, yimasiñuju Moisés ñamasir'i. To bajiri, Cristo rñjorojøre Judá jãnerabatiana, sīgũjũane paia ñabetimasiñujarã.

15-16 To bajiri, “Lev'i jãnerabatia rñne paia ñaruārāma” Dios ã yimasire yigũ me, paia ẽjũ Melquisedere bajiro bajiyumi Cristo. Tudicaticõari, rijabetirocũ ñari, bajiyumi. To bajiro bajirocũ ñari, “Paia ẽjũ ñamasugũ Melquisedere bajiro bajiyumi Cristo”, yimasiaja mani.

17 Dios ã macũre ado bajiro ã gotirotire masa ãna ucamasire ti ñajare, “Paia ẽjũ ñamasugũ Melquisedere bajiro bajicõa ñarũcũmi Cristo”, ãre yimasiaja mani:

“ “Rojose ãna yisere ãnare masirioya”, ãnare yisẽnibosa tãjabetirocũ ñaja mũ' mũre yaja yũ. ‘Paia ẽjũ ñamasugũ Melquisedec ã bajimasicatore bajiro bajiñarũcũja mũ' ãre yigotiyumi Dios, ã macũre”, yaja ti Dios ocare masa ãna ucamasire.

18 Dios, Moisére ã roticũmasiriaro cõrone ãna cãdijeocõaboajaquẽne, “Rojose mana ñaama”, ãnare yĩãbetiborimi Dios. To bajiri Moisére Dios ã roticũmasire, vaja manire bajiro bajiyuja ti.

19 To bajiro ti bajijare, Moisére ã roticũmasire vasoayuju Dios. Mame ã vasoarejũama, ado bajiro bajiaja: Manire Cristo ã rijabosare sũorine, “ ‘Rojose mana ñaama’ manire yĩãgũmi Dios” yimasirã ñari, variquẽnase rãca ãre sãnirũgũaja mani. To bajiro ti bajijare, “Tirũmũaye Moisére Dios ã roticũmasire rẽtoro quẽnase ñaja adirodoriae”, yimasiaja mani.

20-21 To bajiri, ĩ macu Cristore, “Paia ujarã rëtoro ñamasugũ ñarucuja mu” yigu, ado bajiro ĩre yiyuju:

“Mure socabeaja yu. “Rojose ĩna yisere ĩnare masirioya”, ĩnare yisēnibosa tujabetirocu ñaja mu’, mure yaja yu”, ĩre yiyuju Dios, ĩ macure.

Gãjerãrema “Paia ujarã ñaruarãja muu” yigu ñaboarine, ti ũnre yibetimasĩnju Dios.

22 Tire mani ajijama, “Jesucristo suorine Dios ĩ gotiriarore bajirone quēnaro manire yirucumi”, yimasiaja mani.

23 Tirũmũaye Moisére Dios ĩ roticũmasire rucabũorã, jãjarã paia ñamasĩnujarã. To bajicõari, ĩna bajireajaquēne, ĩnare moavasoarona jãjarã ñarũgũmasĩnujarã.

24 To bajiboarine, Cristojũrema, tudirijabetirocu ĩ ñajare, “ĩre moavasoarocu magũmi”, yimasiaja mani.

25 “Jesucristo suorine Diore ajitirũnrãre, rojose ĩna yisere ‘Masirioato Dios’ yigu, Dios ĩ ñaroju, ĩnare sēnibosacõa ñarũgũgũmi, tudirijabetirocu ñari”, yimasiaja mani.

26 To bajiri tirãmũju paia ujarã ĩna yisoadimasire ũnre yigu, Cristo quēne rojose mani yisere “Masirioato Dios”, manire yisēnibosarũgũgũ ñagũmi. Cristo ñaũumi masa rojose ĩna yĩore bajiro yibecu. Quēnase rĩne yigu ñaũumi. To bajiro bajir'i ĩ ñajare, Dios ĩ ñaroju, “Rëtoro ñamasugũ ñarucuja mu” Dios ĩ yir'i ñagũmi.

27 Paia ujarã ñamasurã ĩna yimasiriarore bajiro yigu me ñagũmi Cristo. ĩnajuama, tocãrãcarũmũne vaibucũrãre sĩacõari, soemũomasĩnujarã, “Rojose yua yisere masirioya” Diore yirã. To yicõari, ĩna

yarãre quẽne rojose ãna yirere “Ïnare masirioya Dios”, ãnare yisẽnibosarũgũmasiñujarã ãna. To bajiboarine, Jesũjama, manì jedirotene cojojine rijabosayumi, rojose manì yisere “Masirioato Dios” yigũ.

²⁸ Moisére Dios ã roticũmasire, “Paia ɯjarã ñamasurã ñaruarãma” ã yire ti ñaboajaquẽne, manire bajirone ãna quẽne tire ɯdijeobetiriarã ãna ñajare, “Rojose mana ñaama”, yũabetimasifũju Dios. To bajiboarine ã macɯjarema, quẽnase rĩne yir'i ã ñajare, “ ‘Rojose ãna yisere masirioya mũ’ ãnare yisẽnibosacõa ñarũgũrocũ ñaja mũ”, ãre yiyuju.

8

“Cristo, õ vecajũ manire sãnibosa ñagũmi”, yire queti

¹ “To bajirone bajigũmi Cristo, õ vecajũ Diorãca ã rotiñarojũ”, mũare yaja yũ.

² Tojũre ejacõari, “Rojose manì yisere masirioya”, manire yibosa ñagũmi Cristo, Dios ã bũariavijũre.

³ Tocãrãcũ paia ɯjarã ñamasurã ado bajiro yiyuma: Rojose masa ãna yisere, “Ïnare masirioya Dios”, yisẽnibosayujarã ãna. To yicõari, Diore rãcũbũorã masa ãna ãsisere boca juacõari, ãnare yibosayujarã. To bajiro ãna yire ãnirene yigũ, Cristojũama, manire rijabosayumi, rojose manì yisere manire yirẽtobosagũ.

⁴ Yucũri ñarã paia, Moisére Dios ã roticũmasiriarore bajirone yicõa ñarãma. To bajiri Cristo, adigodojũ ã ñacõajama, ãnare bajiro yibecũ ã ñajare, “Pai me ñaami”, ãre yiborãja manì. To

bajiboarine, õ vecajm̄ Dios ĩ ñarojm̄, “ ‘Rojose ĩna yisere masirioya’ manire yibosagm̄ ñagũmi”, yimasiaja mani.

5 “Mani rãca ñagũmi Dios” masa ĩna yirũcub̄orotivire Moisés ñamasir’i ĩ b̄arotiroto rĩjoro, ado bajiro ĩre yimasiñumi Dios: “Gũtaũ joejm̄ m̄are ym̄ ĩocativire bajirivine b̄arotiya”, yimasiñuju Dios, Moisés ñamasir’ire. To bajiri, “Mani rãca ñagũmi Dios” masa ĩna yirũcub̄orivire ĩna b̄ajama, Moisére Dios ĩ ĩomasiriavire bajirivine b̄amasiñujarã.

6 Paia ẽjarã ñamasurã Dios ĩ rotimasire c̄adimasiriarã ĩna yirũgũmasire r̄etro quẽnaro manire yibosarũgũmi Cristo. To bajiri, “‘Quẽnaro m̄are yirũcũja ym̄’ Moisére Dios ĩ yicũmasire r̄etro quẽnase ñaja adirodoriaye”, yimasiaja mani.

7 Moisére Dios ĩ yicũmasire r̄ẽmojm̄ne quẽnase ti ñacõajama, gajeye mamejm̄are vasoabetiborimi Dios.

8 Moisére Dios roticũmasire masa ĩna c̄adijeobetijare, ĩavariquẽnabetimasiñuju Dios. To bajiri, “Ado bajiro ĩnare gotiya”, yimasiñuju ĩ:

“Mani ẽjm̄ Dios, ado bajiro m̄are gotiami: ‘Quẽnaro ajiya m̄na. Cojorũm̄ mame m̄are vasoabosarũcũja ym̄, Israel vãme c̄ti sitanare, Judá vãme c̄ti sitanare’, m̄are yami.

9 ‘Egipto sitajm̄ ñarãre Israel sitajma ĩnare ũmato vacm̄, quẽnaro ĩnare gotiboacajm̄ ym̄. To bajiboarine, ym̄ yicatore bajiro ĩna c̄adibetijare, “Ym̄ yarã me ñaama”, ĩnare yicajm̄ ym̄. To bajiri, mame ym̄ vasoarotijama, m̄na ñicũare

y_u gotimasicatore bajiro me bajir_uaroja' m_uare yami Dios mani _uj_u.

- 10 'To bajiri, Israel ñamasir'i jānerabatiare mame y_u vasoaroti, ado bajiro bajir_uaroja: "Y_u m_usise s_uorine y_u rotisere t_uoĩamasir_uarãma", ñare yir_uc_uja y_u. To bajiro y_u yisere bojarã ñari, quēnaro yir_ug_uarãma. To yic_uari, y_u s_ug_une ña _uj_u ña yir_uc_ub_uog_u ñar_uc_uja y_u. To bajiri ñaj_ua quēne y_u yarã ñar_uarãma' m_uare yami Dios.
- 11 'Y_u yarã ñari, r_uamasa quēne, b_uc_urã quēne, ña ñaro c_urone, y_ure masijedicoar_uarãma ña. To bajiri, "Ado bajiro t_uoĩag_u ñaami Dios", gãmerã yimasiorã manir_uarãma', m_uare yami Dios.
- 12 'Ñare ñamaic_uari, rojose ña yisere y_u masiri-ojama, "Rojose yiriarã ñaama", j_uaji ñare yit_uoĩabetir_uc_uja y_u. To bajiro ñare y_u yiroti ti ñajare, y_ure quēnaro masir_uarãma ña' m_uare yami Dios", yimasiñuju, Diore gotir_utobosamasir'i.
- 13 "Mame oca quēnase vasoar_uc_uja" Dios ñ yijama, tir_um_uj_u ñ yimasiboarere reag_u yig_uami. To bajiri, "Tir_um_uajej_uma vaja manoja", yimasijama mani.

9

"Cristo, quēnaro manire yibosag_umi" yire queti

1 "Adigodoj_u ñarã y_ure r_uc_ub_uorã m_ua r_ujarotivire m_ua b_uasere bojaja y_u", Moisés ñamasir'ire ñre yimasiñuju Dios.

2 To bajiri ñ rotiriavire bajirone b_uamasiñujarã ña. T_i vi g_udarecore sudirone yotoriavi

ñamasiñuju. To bajiri, ejasuoariasõa Diore rucabuoariasõa vãme cutimasiñuju. Tisõajũ sãabusuoriabajari jeoriajũ ñamasiñuju ti. To yicõari, Diore ïsiroti pan jesarijũ quẽne ñamasiñuju.

³ Gajesõa, Dios ï ñarisõa vãme cutimasiñuju.

⁴ Tisõajũre, ñamasiñuju Diore rucabuoarã, ïna soejama, quẽnaro sutiquẽnase soemuoariajũ. “Dios ï ñari sõagajũ ñaja” ïna yiboajaquẽne, ejasuoariasõajuarene ñacõamasiñuju ti. To bajicõari, Dios ï ñarisõajũre ñamasiñuju rujajata orone ïna quẽnorajata. “Dios ï rotirere cudiroti ñaja” yirã, ïna quẽnorajata ñamasiñuju. Tijatajũre adocãrãca vãme sãñamasiñuju: Orone ïna quẽnorã sotũ sãñamasiñuju. Ti sotujũre bare manã vãme cuti Dios ï cõare sãñamasiñuju. To bajicõari, Aarõn ï tuemasir'i quẽne acatuar'i sãñamasiñuju. To bajicõari, jũajãĩ gõtajãĩ Dios ï rotimasire ï ucamasiriajãiri quẽne sãñamasiñuju.

⁵ Tijata joere rügõmasiñujarã Diorãcana vurã querubines vãme cutirãre bajirã masa ïna quẽnomasiriarã. ïna ñamasiñujarã, “Adijũ ñaja masa rojose ïna yisere Dios ï masiriorijũ” yigotirã. ïna querujãri rãca gãmerã ñucãnamucõari, rügõmasiñujarã ïna. Yucurema ti viaye buto gotire maja ti.

⁶ To bajiboarine, Diore rucabuoaroti ti ñajedicõajare, tocãrãcarũmũne Diore rucabuoarã sãjaejarügũmasiñujarã paia, ñasuoorisõare.

⁷ Paia ujũ ñamasugũ rĩne jãjarügũmasiñuju, Dios ï ñarisõa vãme cuti sõajũre. Tocãrãca cũmare cojojine jãjamasiñuju. Jãjacõari, ï masu rojose ï yirügũrere, to yicõari, ï ñarimacana, “Rojose yirã

yaja yua” yituoĩamenane, “Rojose yua yirũgũrere masiriobosato Dios” yigu, vaibucurã ri'ire juajãjarũgũmasiñuju.

8 “Paia ujũ ñamasugũ rĩne Dios ĩ ñarisõare jãjamasiami”, yimasiñujarã. Tire ĩna tuoĩajama, Esp'iritu Santo ĩ ejarẽmose rãca, ado bajirojua yimasiñujarã ĩna: “ ‘Mani masune rojose mani yisere yuare masirioya’, Diore yimasibeaja. ‘Paia ujũ ñamasugũ rĩne manire sãnibosagu ñaami’ yimasiaja mani. To bajiro rĩne bajicõa ñaruarãja mani maji. Dios manire ĩ sãjarotirirũmu ti ejarojũ tisõare jãjaruarãja mani”, yimasiñujarã ĩna.

9 “ ‘Mani ñicua Dios ĩ rotimasirere ĩna ajitirũnarũgũmasire rẽtoro quẽnamasuse ñaja’ mani yituoĩamasiro tire yiro bajiyuja”, yimasiaja mani. “Mani ñicua, tirũmujũ ĩna yirũgũmasiriarore bajirone mani quẽne, rojose mani yisere, ‘Manire masirioato Dios’ yirã, paire mani soemuroricõa ñajama, Diojua ĩ ĩajama, ‘Rojose maja ĩnare’ manire yĩabeticõa ñagũmi”, yimasiaja mani.

10 Tirũmũaye Dios ĩ rotimasire ado bajiro bajiyuja: “Adocãrãca vãme baruarãja mua. Gajey-erema babetiruarãja mua”, ĩnare yimasiñumi. To yicõari, ĩna idiro tire, ĩna guarotire, ĩna ãmo coerotire quẽne to bajirone yimasiñumi. To bajiro ĩ yijama, ti ñajediro ĩ rotimasire mamejua ĩ vasoaroto rĩjororema, ĩna rujure ĩna ĩtirũnaroti rĩne yigu yiyumi Dios.

11 To bajiro ĩ yimasire ti ñajare, yucurema, “Cristo suorine quẽnaro yirucuja yu” Dios ĩ yiriarodo ejayuja ti. To bajiro ĩ yire ñajare, Cristo manire rijabosacõari, õ vecajũ Dios ya vijũ ñagũ vasuju. Ti vijũ ñacõari, paia ujũ ñamasugũ ĩ sãnibosarore

bajiro, “Quēnaro ñato ñna” yigũ, manire sēnibosa ñagũmi. To bajiro ï yĩnarivima, adigodo ñarã Diore rūcũbũorã ñna bũariavi rētoro quēnarivi ñaroja.

¹² To bajiri Dios ï ñarisõajũ jãjacõari, cabra rĩa ri'i, ta vecũ rĩa ri'i adigodojũ ñarã paia ɸjarã Diore ñna ïsiriarore bajiro yirũ me, ïjũama, ï rujũ rise sũorine rojose mani yire vajare cojojine yirētosajeocõarũ, õ vecajũ Dios ï ñarisõajũ jãjasuju Cristo.

¹³ Ado bajiro gotiaja Dios ï rotimasire: “Bajiro-car'ire moaĩabetirũarãja mũa. To yicõari, ‘Babetirũarãja mũa’ yũ yisere quēne moaĩabetirũarãja. To bajiro yũ yisere mũa cũdibetijama, yũre ñna rūcũbũorivire sãjabetirũarãja mũa. To bajiboarine, ta vecũ macũre ñna soese rĩtire, oco rãca abavũore ñasere mũare yayeturũcũmi pai. Tire ï yibetijama, hisopo vãme cuti rujũ rãca vaibũcũ ri'ine mũare vējabate gurũcũmi. To bajiro mũare ï yijama, yũre rūcũbũoriavire sãjamasirũarãja mũa”, yimasiñumi Dios.

¹⁴ “Vaibũcũrã ri'ine mũare ï yayeguojama yũre rūcũbũoriavire sãjamasirũarãja mũa” Dios ï yimasire ti ñaboajaquēne, “Cristo manire ï rijabosarejũa rētoro quēnase ñañũja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocũ ï ejarēmojare. Cristo manire ï rijabosare sũorine, rojose mani yisere masiriojũmi Dios. To bajiri, “Rojose maja manire”, yitũoĩaja mani. To bajiro yitũoĩacõari, ñacõa ñarũgũrocũ Dios ï bojarore bajiro quēnaro yirũgũroti ñaja manire.

¹⁵ “ ‘Mame mũare vasoarũcũja yũ’ ï yiriarore bajirone bajiato” yigũ, adi macarũcũrojũre Cristore cõañumi Dios. To bajiro ï yicõar'i

ñari, tirãmũaye ajirũcũbũoriarãre quẽne rojose mani yisere “Masirioato Dios” yigũ, manire rijabosayumi Cristo. To bajicõari, ì rijabosare sũorine “Yũ yarã ñaama” Dios manire ì yĩarotire yigũ, bajiyumi. To bajiro ì bajibosariarã mani ñajare, “Quẽnaro yirũcũja” Dios ì yiriarore bajirone yigũ, mani rijato berojũ ì rãca mani caticõa ñarotire ìsiecorona ñaja mani.

16 Ado bajise tũoĩaña mũa: Mani yũ, ì bajiyayiroto rĩjoro, “Ìne ñaami yũ ye gajeyeũni cũosũyarocũ”, yigũmi. To bajiro ì yir'i ñari, ì bajirocato bero, ì yere cũosũyagũmi.

17 Ì caticõa ñajama, ì masune cũocõa ñagũmi maji. Ì rijato bero, tire cũomasigũmi gãjjũa. To bajiri, “Ì gotiriarore bajirone bajiaja”, yimasire ñaja.

18 To bajirone bajimasiñuju, “Quẽnaro yirũcũja yũ” Dios ì yimasirere quẽne. “Dios manire ì gotiriarore bajirone yato” yirã, vaibũcũrãre sĩamasĩñujarã.

19 Dios Moisés ñamasir'ire ì roticũmasire ñaro cõrone masa jedirore ìnare gotimasiñuju. Tire ì gotiro bero, oveja joa ìna sũorere, hisopo vãme cuti rũjũ siatucõari, vaibũcũrã cabra vãme cutirã rĩare, ta vecũ rĩare ìna sĩariarã ri'ire juacõari, oco rãca ìna vũorere yosemasiñuju. To yicõari, Dios ì rotimasire Moisés ì ucariajotire vẽjabate gumasiñuju ì. To yicõari, masa ñajedirore quẽne to bajirone yimasĩñuju.

20 To bajiro yicõari, masare ado bajiro gotimasiñuju ì: “Dios mũare ì yirotisere cũdiroti ñaja”, yimasĩñuju Moisés ñamasir'i, mani ñicũare.

21 “Mani rãca ñagũmi Dios” ìna yirũcũbũorivire

quēne ri'ine vėjabate gumasiñuju Moisés. To yicōari, ti viaye ñase jedirore, to bajiro yimasiñuju.

22 To bajiro Dios ĩ rotimasire ñajare, vaibucũ ĩna sĭar'i ri'ine vėjabate gumasiñujarã ĩna. To bajiro ĩna yibetijama, ĩnare ĩavariquēnabetiborimi Dios. To bajirone bajiyuja Cristore quēne. ĩre ĩna sĭaro, ĩ ri'i ti budibetijama, “Rojose mani yisere masiriobeti-borimi Dios”, yimasija mani.

“Cristo ĩ rijabosare s̃horine, ‘Rojose mana ñaama’ manire yĩañumi Dios”, yire queti

23 To bajiri, Diore yirũcũbũoriavijũ ĩna sĭjaroto rĭjoro, ĩna rujare ĩna ye gajeyeũnire quēne, vaibucũrã ri'ine yayebate gurotiyujarã mani ñicũa. To bajiro yiroticōari, sĭjarũgũmasiñujarã ĩna. To bajiro ĩna yijama, õ vecajũ ĩna bajiroti ũnire yirã bajimasiñujarã ĩna. To bajiboarine tojũama Dios ye masu ti ñajare, vaibucũ ri'i ĩna yayebate gurotire ũnirene yiro, rĕtoro quēnagũ ĩ rijabosasere bojayuja. To bajiri, manire ĩ rijabosare ti ñajare, “Rojose mana ñacōari, Dios ya vijũ sĭjaruarãja mani”, yimasire ñaja.

24 Cristo, manire rijabosacōari bero, tudicat-icōari, adi macarũcũrojũ Diore rũcũbũorũarã, masa ĩna bũariavi mere, õ vecagavi Dios ya vijũare sĭjasuju Cristo. To bajiri, ti vijũ ñacōari, “Quēnaro ñato ĩna” yigũ, manire sĕnibosacõa ñarũgũgũmi.

25 Paia ẽjũ ñamasugũ adigodoagũma, tocãrãca cãmare cojojine, Dios ĩ ñarisõa vãme cuti sõare jãjarũgũmasiñuju, vaibucũ ĩ sĭar'i ri'ire “Masa rojose ĩna yisere masirioya Dios”, ĩnare yibosagũ. To bajiboarine Cristojũama, õ vecajũ Dios ĩ ñarojũre

ejacōari, adigodoagu paia ɛjɛ ɪ yimasiriarore bajiro yirɛ me, bajiyumi. Ɔ masu rujɛ ri'i sɔrine yirɛtobosacōari, Dios Ɔarisōajɛre jãjasuju.

²⁶ Adigodoagu paia ɛjɛ Ɔamasugũ tocãrãca cãmane “Masa rojose Ɔna yisere, masirioya Dios”, Ɔnare yibosarũgũƆuju Ɔ. Cristo quẽne, paia ɛjɛ ɪ yirũgũmasiriarore bajiro Ɔ bajijama, adi macarɛcuro Dios Ɔ rujeorijɛjɛne, cojoji me manire rijabosacōa sɔoadiborimi. To bajiro me bajiyumi Cristo. Cojojine manire rijabosayumi, “Rojose mana Ɔnaama” manire Dios Ɔ yĩarotire yigɛ.

²⁷ Mani jediro cojojine bajirearona Ɔaja mani. Mani bajirearo bero, Ɔ tɛjɛ mani ejato, rojose yirãre, to yicōari quẽnase yirãre Ɔabeserɛcɛmi Dios.

²⁸ Cojojine manire Ɔ rijabosare Ɔajare, jãjarã Ɔaja mani rojose yibetiriarãre bajiro bajirã. Quẽna Cristo, Ɔ tudiejajama, “Rojose mani yisere masirioato Dios” yigɛ, me ejarɛcɛmi. “Manire rijabosayumi” yitɔoĩarãjɛre juaguagu bajirɛcɛmi.

10

¹ Moisés Ɔamasir'ire Dios Ɔ roticũmasirejɛama, “Rojose Ɔna yisere Ɔnare masiriojeorɛcɛja yɛ”, Ɔ yire me ƆaƆuja. Berojɛ bajirotire baji rĩjoro cõtise ƆaƆuja. To bajiro bajijare, tocãrãca cãmane vaibɛcɛrãre sĩacōari, “Rojose yɛa yisere yɛare masirioato Dios” yirã Ɔna soemɔrotiboajaquẽne, “Rojose mana Ɔnaama”, Ɔnare yĩabesuju Dios.

² Vaibɛcɛrã Ɔna soemɔrotise sɔrine, “Rojose mana Ɔnaama” rẽmojɛne Dios Ɔ yĩacōajama, “Tudĩ rojose yɛa yisere masirioato Dios”, yibetiboriarãma.

³ Vaibucurã rii ñna soemurũgũse tocãrãca cãmame rojose ñna yirũgũrere tũõarotire yiro bajiaja.

⁴ Vaibucurã rii ñna soemosema rojose masa ñna yisere, masiriose me ñaja.

⁵ Vaibucurã ri'i, ñna soemoboaajuẽne, rojose ñna yisere Dios ã masiriobetijare, adi macarucurojare ã vadiroto rĩjoro, ado bajiro Diore gotiyuju Cristo:

“Masa vaibucu rii ñna soemosere bojabeaja m. To bajiri, ‘Masare bajiro ruju cutigu ñato’ yigu, yare cõañna m.

⁶ ‘Rojose mani yisere masirioato Dios’ yirã, vaibucu rii ñna soemurorotiboasere quẽne ãvariquẽnabeaja m.

⁷ To bajiri, ado bajiro mare yaja y: ‘Adone ñaja y. M bojasere yir masa tũju vacu yaja. “To bajiro bajirucumi” m ocare masa ñna yiucacatore bajirone yir, bajiaja’ ”, Diore ãre yiyuju Cristo, masare ã rijabosarotire yigu.

⁸ Quẽna, tirene mare gotiaja y. “‘Rojose mani yisere masirioato Dios’ yirã, vaibucu rii ñna soemurorotiboasere ãvariquẽnabeaja m, m roticũcati ti ñaboaajuẽne”, Diore yiyuju Cristo.

⁹ Quẽna ado bajise yiyuju Cristo: “M bojasere yir masa tũju vacu yaja y”, ãre yiyuju. To bajiro ã yijama, ado bajiro ãre yigu yiyuju: “Tirũmajũ Moisére m roticũcatire yitũjacõari, mamejmare masa ñna ajise sũori quẽnaro ñnare m yibosarotire bojagu bajiaja y”, ãre yiyuju.

¹⁰ To bajiri Dios ã rotiriarore bajirone yigu, cojojine manire rijabosayumi. To bajiro ã bajire ñajare,

rojose mani yisere masiriocõari, “Rojose mana ñaama”, manire yĩagũmi Dios.

¹¹ Jud'io masa, paia, tocãrãcarũmũrine ñna ye moare ñajare, “Rojose ñna yisere masirioato Dios” yirã, cojoji me vaibucurã riire soemũorũgũrãma ñna. To bajiro ñna yiboajaquẽne, rojose ñna yisere, masiriose me ñaja. To bajiri rojose ñna yisere masiriobecũmi Dios.

¹² Jesucristo, cojojine manire rijabosacõari bero, rojose mani yisere yirẽtobosajeocõagũ ñari, Dios ñ rotĩñarojũ rũcũbũoriajũre rujyijuju ñ.

¹³ “Mũre terã ñajediro rotigũ ñarucũja mũ”, yiyuju Dios. To bajiri, “To bajiro yirucũja” Dios ñ yirere yuñagũmi Cristo.

¹⁴ To bajiri, Cristo cojojine manire ñ rijabosare ñajare, “Rojose mana ñaama”, manire yĩagũmi Dios. To bajiro ñ yijare, “Ñajediro rojose mani yirere, mani yirotire quẽne, manire yirẽtobosajeocõañumi Cristo”, yimasiaja mani.

¹⁵ Dios ocare masa ñna ucamasire sũorine ado bajise manire gotiami Esp'iritu Santo:

¹⁶ “ ‘To bajiri, ñnare mame yũ vasoaroti, ado bajiro bajirũaroja: “Yũ masise sũorine yũ rotisere tũoĩamasirũarãma”, ñnare yirucũja yũ. To bajiro yũ yisere bojarã ñari, quẽnaro yirũgũrũarãma’, yami Dios mani mũjũ.

¹⁷ Ñnare ñamaicõari, rojose ñna yisere yũ masiriojama, “Rojose yiriarã ñaama”, jũaji ñnare yitũoĩabetirucũja yũ’, yami Dios”, yigotiaja Dios ocare masa ñna ucamasire.

¹⁸ To bajiri rojose mani yisere Cristo manire ñ yirẽtobosajeore ti ñajare, rojose mani yisere tu-

dituoĩabetirucumi Dios. To bajiri, no yirã vaibucu riire soemomenaja mani.

“Diore quẽnaro ajitirũnũrũgũrũarãja mani”, yire queti

¹⁹ To bajiri, Jesús, manire rijabosacõari, rojose mani yisere yirẽtobosar'i ñari, õ vecaju manire sãnibosa ñagũmi. To bajiri gũimenane Diore sãnito mani.

²⁰ Tirũmujama Diore yirũcubũoriavijũ sudigasero yotoriaro ñañuju ti, “‘Dios ã ñarisõa’ vãme cuti sõare jãjamasibeamã masa” yĩorijũ. To bajiro ti bajijare, ãna masune Diore sãnimasimena ñari, paia ujũ ã sãnibosasere bojarũgũmasiñujarã ãna. Yucũrema Cristo manire ã rijabosare ti ñajare, no mani bojarijũne mani masune Diore sãnimasiaja mani.

²¹ Cristo sĩgũne ñagũmi ñamasugũ manire sãnibosagũ. To bajiro yĩñagũmi õ vecaju Dios ya vijũ ñacõari.

²² To bajiri, tocãrãcãjine, “Ĩ bojarore bajirone yirũaja” yirã, Diore sãnirũgũrũarãja mani. “Cristo suorine manire ãvariquẽnagũmi Dios” yitũoĩa tũjamenane ãre sãnirũgũrũarãja mani. To bajiro ãre yisãnirãne, “Rojose ñaja manire”, yitũoĩabetirũarãja mani, Dios, “Rojose mana ñaama” manire ã yĩãñajare. “Manire rijabosayumi Jesús” yirã, oco rãca ãna bautizacana ñaja mani.

²³ Cristo oca mani buesũocatire ajitirũnũ tũjabetirũarãja mani. “Quẽnaro mũare yirũcũja” Dios manire ã yirere tũoĩatũjabetirũarãja mani, “Yirũcũja” ã yirore bajiro yigũ ã ñajare.

24 Mani rācanare ĩamaicōari, quēnaro gotiruarāja mani, “ĩna quēne gājerāre ĩamaicōari, variquēnase rāca ĩnare ejarēmoato” yirā.

25 Cristore ajitirūnrā ñari, rējarūgūroti ñaja, manire. Gājerā rējarūgūboariarā ĩna rējatujarore bajiro bajibetiroti ñaja, manire. Rējacōari, “Cristore ĩre ajitirūnrā tujamenasa” yirā, quēnaro gāmerā gotirūgūruarāja mani, “Yoaro me ejaruaroja rojose yirāre Dios ĩ ĩabeserirām” yimasirā ñari.

26 Cristo ocare masiriarā ñaboarine, tire ajitirūnrā tujacōari, rojosejare mani yicōa ñajama, manire yirētobosabetirucumi Cristo.

27 To bajiri, rojose manire ĩ yirotire tūoĩagūirā rīne, Dios masare ĩ ĩabeserirām ti ejaro, “Yua uj me ñaja m” ĩre yirā rāca rojose tāmūotujabetiraroj vaborāja mani.

28 Tirūmuj Dios ĩ rotimasirere sīgū tire ĩ cūdibetijama, ado bajiro bajimasiñuju: Juarā ñacōari, “Rojose yimi” ĩre yirā ĩna ñajama, ĩre ĩamaimenane, Dios ĩ rotiriarore bajirone yirā, ĩre sĩamasiñujarā ĩna.

29 To bajiro bajimasire ti ñajare, yucurema mame ĩ vasoarere ajitirūnrariarā ñaboarine, “Dios mac me ñarimi Jesús; manire rijabosabetirimi” ĩna yijama, ĩnare maigū Esp'iritu Santore rojose ñagōrā yirāma. To bajiri buto rojose tāmūoruarāma. “Manire rijabosabetirimi Jesús” ĩna yise ti ñaboajaquēne, ĩ rijabosare sūorine, “Rojose ĩna yisere masiriocōari, quēnaro yirucuja y” masare Dios ĩ yimasiriarore bajirone bajiyuja.

30 Rojose ĩna yise vaja buto rojose ĩna tāmūorotire

masiaja mani, Dios ado bajiro ï gotirere masa ïna ucamasire ti ñajare: “Y_{ne} ñaja masa rojose ïna yise vaja rojose ïnare yiroc_u. Y_u sīgüne riojo tire yimasigū ñaja y_u”, yigotiaja. Gajeye quēne, ado bajise gotimasiñumi Dios: “Y_u ñaja y_u yarā rojose ïna yijama, ïnare rojose yiroc_u”, yigotimasiñumi Dios.

³¹ Caticōa ñarūgūroc_u, Dios, rojose yirāre ïajūnisinicōari, rojose ïnare ï yiroti, gūiose masu ñaruarōja ti.

³² Dios ï ejarēmose rāca Cristore m_{ua} ajitirān_u s_uocatire t_uoĩamasiña m_{ua}. ïre ajitirān_urā m_{ua} ñajare, gājerā cojōji me m_uare rojose yicama ïna. To bajiro m_uare ïna yiboajaquēne, ïre ajitirān_ucōa ñarūgūc_{aj}u m_{ua}.

³³ Masa ïna ïaro rījoroj_{ua} m_uare ajatud'icama ïna. To yicōari, m_{ua} babarāre ïna ajatud'iro ïacōari, “Y_{ua} rācana ñaama”, ïnare yīlamaic_{aj}u m_{ua}.

³⁴ Cristore ajitirān_urāre ïna tubiberiarāre quēne, “Y_{ua} rācana ñaama”, ïnare yīlamaic_{aj}u m_{ua}. To bajiro yirā m_{ua} ñajare, rojose m_uare yicama gājerā. Cristore ajitirān_ucana m_{ua} ñajare, gājerā m_{ua} t_{aj}u ejacōari, m_{ua} gajeyeūnire ēmacama ïna. To ïna yiboajaquēne, Cristore ajitirān_urā ñari, “Dios ï gotiriarore bajirone, ïna ēmase rētoro quēnase ñacōa ñarotire bujaruarāja mani, Dios ï ñaroj_{ua}”, yivariquēnac_{aj}u m_{ua}.

³⁵ To bajiro m_{ua} yit_uoĩacatore bajirone bajiruarōja. To bajiri, Cristore ïre ajitirān_u t_{aj}abetiruarāja m_{ua}.

³⁶ Rojose tām_uoboarine, ïre ajitirān_ucōa ñaña m_{ua}. To bajiro m_{ua} bajijama, Dios ï bojarore bajiro yiriarā m_{ua} ñajare, Dios ï gotiriarore bajirone

õ vecajũ quẽnaro mũare yirũcũmi.

³⁷ To bajiro bajiroti ti ñajare, ado bajiro gotiaja Dios ocare masa ñna ucamasire:

“Yũ cõarocũ Cristo yoaro meaca ejarũcũmi. ‘To cõrone ejarũcũja mũ’ yũ yiroticatore bajirone ejarũcũmi.

³⁸ ‘Rojose magũ ñaami’ yũ yĩlavariquẽnagũ, ‘Ĩ yirore bajiro yigũ ñagũmi’ yũre yitũoĩagũ ñari, bajirocacõari bero yũ tũjũ quẽnaro ñacõa ñarũgũroscũ ñagũmi. To bajiboarine, yũre ajitirũnũ tũjagũrema, ñre ñaquẽnabetirũcũja yũ”, yigotiaja Dios ocare masa ñna ucamasire.

³⁹ To bajise Dios ñ gotimasire ti ñaboajaquẽne, manijũama, Cristore ñre ajitirũnũ tũjaroname ñaja mani. To bajiri, “Manire rijabosayumi Cristo” yitũoĩarã ñari, rojose tãmũotũjabetiriarojũ vabeticõari, Dios tũjũ quẽnaro ñacõa ñarũgũrona ñaja mani.

11

Diore mani ajitirũnũ tũjabetiroti queti

¹ “Ĩ yirore bajiro yigũ ñagũmi” Diore ñre mani yitũoĩajama, ado bajiro bajiaja: “Mũare ñsirũcũja yũ” manire ñ yijama, “Bũjarũarãja mani”, yitũoĩaroti ñaja. “To bajiro masu bajiaja” Dios ñ yijama, maji tire ñabetiboarine, “To bajirone bajiroja”, yitũoĩaja mani.

² Mani ñicũa to bajiro Diore ñna tũoĩajare, ñnare ñlavariquẽnamasiñumi Dios.

³ “Ĩ yirore bajiro yigũ ñagũmi” Diore ñre yitũoĩarã ñari, ado bajise yimasiaja mani: “ ‘Ruyuyaya’ Dios ñ yirore bajirone bajimasĩnju, adi macarũcũroaye,

õ vecaye quêne”, yimasiaja mani. To bajiro ï yire ti ñajare, ï rujeoroto rñjorojuma, manirũgũmasirere ïarũgũaja mani, adi macarucaro ñasere.

4 “Ï yimore bajiro yigũ ñagũmi”, Diore ïre yitũoĩagũ ñamasĩñuju mani ñicu Abel ñamasir'i. To bajiro Diore tũoĩagũ ñari, ïre rũcũbũogũ, Dios ï bojarore bajiro yigũ, vaibũcũre soemũomasiñuju. To bajiro ï yijama, ï gagũ Ca'in rẽtoro quẽnaro Diore rũcũbũogũ yimasiñuju. To bajiri, Diojuma, “Rojose magũ ñaami”, ïre yĩĩamasĩñuju Dios. Abel ñamasir'i tirũmũjũ ï bajirocare ti ñaboajaquêne, ï yimasiriarore bajiro mani quêne Diore mani rũcũbũorũajama, Dios ï bojarore bajiro yirũcũbũoroti ñaja manire.

5 “Ï yimore bajiro yigũ ñagũmi”, Diore ïre yitũoĩagũ ñamasĩñuju Enoc ñamasir'i quêne. To bajiro Diore tũoĩagũ ï ñajare, “Yũ bojarore bajiro yigũ ñaami” ïre yĩĩavariquẽnagũ ñari, ï bajirocabetone, ïre ãmicoamasiñuju Dios. To bajiri, ïre bũjabetimasiñujarã masa. To bajirone gotiaja Dios ocare masa ñna ucamasire.

6 Ado bajiro tũoĩarã ñari, Diore sẽnija mani: “Dios ñagũmi” yimasicõari, “Yũre ejarẽmoña' ïre yisẽnirãre quẽnaro yami” yitũoĩarã ñari, sẽnija mani. To bajiro mani yijama, “Ï yimore bajiro yigũ ñagũmi” Diore yirã yaja. “Ï yimore bajiro yigũ ñagũmi” Diore ïre mani yitũoĩabetijama, manire ïavariquẽnabecũmi Dios.

7 “Ï yimore bajiro yigũ ñagũmi”, Diore ïre yitũoĩagũ ñamasĩñuju Noé ñamasir'i quêne. Ado bajiro ïre yimasiñuju Dios: “Masa ñajedirore ruureajeocõarũcũja yũ. To bajiri, cũmua jairica

quënoña m_u, ‘Rujarobe’ yig_u’, ïre yimasiñuju Dios. To bajiro ï yijare, bajiro tire masibetiboarine, “Ï yirore bajiro yig_u ñag_umi” Diore ïre yit_uoïag_u ñari, ï gotirore bajirone yig_u, c_umua jairicare quënomasiñuju Noé. To bajiri ï yarã rãca Noé ï rujaborotire ïnare yirëtobosamasiñuju Dios. To bajiboarine, gãjerãrema ï rãcana ñaboariarãre, “Ï yirore bajiro yig_u ñag_umi Dios” yit_uoïamena ïna ñajare, ïnare yirëtobosabetimasiñuju Dios. Noéjuarema, “Ï yirore bajiro yig_u ñag_umi” y_ure yit_uoïag_u ï ñajare, “Y_u ïavariquënarã rãcag_u ñaami, ï quëne”, Noére ïre yimasiñuju Dios.

8 “Ï yirore bajiro yig_u ñag_umi”, Diore ïre yit_uoïag_u ñamasiñuju Abraham quëne. To bajiri, “M_u ñarimacare to cõrone vaveoya m_u. M_u ñaroti sitare m_ure _ujor_uc_uja y_u”, ïre yimasiñuju Dios. “Ï yirore bajiro yig_u ñag_umi” Diore ïre yit_uoïag_u ñari, Dios ï rotisere ajicõari, vacoamasiñuju ï, ï ñarotire masibetiboarine.

9 Gãjerã ye sita ti ñaboajaquëne, “Adi sita m_ure _ujor_uc_uja” Dios ïre ï yire ñajare, “Ï yirore bajiro yig_u ñag_umi” Diore ïre yit_uoïag_u ñari, cojo_u me viriaca b_uacõari, ñacudirüg_umasiñuju Abraham. Ï bajimasiriarore bajirone ñacudimasiñujarã ï mac_u Isaac, ï jãnami Jacob quëne “Adi sita m_ure _ujor_uc_uja y_u” Dios ïnare ï yire ñajare.

10 To bajiboarine, variquëneg_u ñacudimasiñuju Abraham, “Õ vecaj_u Dios ï quënorã macare quënarã ñacõa ñarüg_ur_uc_uja y_u” yit_uoïag_u ñari.

11 To bajicõari, Abraham manajo Sara, b_uc_uo rãa magõ ñamasiñuju so. Ï quëne b_uc_u ñamasiñuju.

yure yituoīagū ñati?” yimasiru, ĩre rŭcubuoŕã, vaibucure ĩna soemuoŕiarore bajiro yigu, ĩ macu sĭgŭ ñagŭre sĭarotimasiñuju Dios. “Isaac suori jājarã jānerabatia cutirucuja mu” Dios ĩ yire ti ñaboajaquēne, “Mu rotisere yibetirucuja”, yituoīabetimasiñuju.

19 “Bajireariarãre ĩnare tudicatiomasigŭ ñagŭmi Dios” yituoīagŭ ñari, “Yu macure yu sĭacōajaquēne, catiocōarucumi” yituoīagŭ ñari, ĩre ĩ sĭaguadijune, “Īre sĭabeticōañã” Dios ĩ yijare, ĩre sĭabetimasiñuju. To bajiro ĩ yire ti ñajare, “Rijacoaboarine, tudicatigure bajiro ĩre ĩamasñuju Abraham”, yimasiaja mani.

20 “Ī yirore bajiro yigu ñagŭmi”, Diore ĩre yituoīagŭ ñamasñuju Isaac ñamasir'i quēne. To bajiro Diore tuoīagŭ ñari, ĩ rĭare ado bajiro ĩnare gotimasiñuju, Jacob, Esaŭre quēne: “Ī gotiriarore bajirone quēnaro muare yirucumi Dios”, yimasiñuju.

21 “Ī yirore bajiro yigu ñagŭmi”, Diore ĩre yituoīagŭ ñamasñuju Jacob ñamasir'i quēne. To bajiro Diore tuoīagŭ ñari, ĩ bajirocaroto rĭjoro, ĩ macu José rĭare, “Quēnaro muare yirucumi Dios”, ĩnare yimasiñuju ĩ. Bucu ñari, rŭgōtĭmabetiar'i ñaboarine, ĩ tueriu suorine vŭmurŭgōcōari, Diore rŭcubuoŕomasñuju ĩ.

22 “Ī yirore bajiro yigu ñagŭmi”, Diore ĩre yituoīagŭ ñamasñuju José ñamasir'i quēne. To bajiro Diore tuoīagŭ ñari, ĩ bajirocaroto rĭjoro, ĩ yarãre Israel ñamasir'i jānerabatiare ado bajiro ĩnare gotimasiñuju: “Adi sita Egipto sitare vaveoŕuarãma ĩna, muã jānerabatia. ĩna vajama, yu

gõare juacõari, Canaán vãme cãti sitajũ yujeruarãma ãna”, yimasiñuju.

23 “Ï yirore bajiro yigũ ñagũmi”, Diore ãre yitũoãarã ñamasiñujarã Moisés ñamasir'i jacũ, ã jaco quẽne. To bajiro Diore tũoãarã ñari, Moisés ã ruyaro bero, idiarã muijua ãre yayiocũomasiñujarã ãna, “Quẽnagũaca sũcare manire ãsiami Dios” yirã. To bajiri egipcio masa uã, Israel ñamasir'i jãnerabatiare rãmasa ãmũare ã sãrotiboajuẽne, ãre gũimena ñari, ã rotirore bajiro yibetimasiñujarã ãna.

24 “ ‘Yirũcãja’ ã yirore bajiro yigũ ñagũmi”, Diore ãre yitũoãagũ ñamasiñuju Moisés ñamasir'i quẽne. To bajiro tũoãagũ ñari, bũcũacũ, Egipcio sita uã maco so masor'i ñaboarine, “Egipcio masũre bajiro bajigũ ñaami” masa ãna yirũcũbosere bojabetimasiñuju Moisés.

25 Ado bajiro tũoãagũ ñari, tire bojabetimasiñuju ã: “Adi macarũcrojũ yũ catiñaro cõro egipcio masa rãca yũ bojarore bajiro yũ yijama, yũ rijato berojũ quẽnabetoja ti. To bajiri Israel ñamasir'i jãnerabatia Dios yarã rãca baba cãtirũcãja yũ, egipcio masa yũre quẽne rojose ãna yiroti ti ñaboajuẽne”, yimasiñuju Moisés ñamasir'i.

26 Ado bajiro tũoãagũ ñari, to bajiro yimasiñuju Moisés: “Egipcio sitana ãna cũose jairo vaja cãti rẽtoro ñamasuse ñaja, Cristo ã ejaroti Israel ñamasir'i jãnerabatia ãna gotisejũama”, yitũoãacõamasiñuju. To bajiri, “Ëna rãca yũ ñajare, egipcio masa rojose yũre ãna yiboajuẽne, quẽnacõarũaroja”, yitũoãacõamasiñuju Moisés. To bajiro ã tũoãajama, ã rijato bero, “Cristo sũorine quẽnaro yũre yirũcũmi

Dios” yituoĩagũ yimasiñuju.

27 Egipcio masa ɯɰ ı̄ jūnininisere gũigɰ me, ti sitare vaveomasiñuju Moisés. “İ yirore bajiro yigɰ ñagũmi Dios” yituoĩagũ ñari, Diore ĩre ĩabetiboarine, ĩ bojarore bajiro ĩ yirotire masicõari, vacoamasiniñuju.

28 “İ yirore bajiro yigɰ ñagũmi Dios” yituoĩagũ ñari, Israel ñamasir'i jānerabatiare “Dios ĩ rotirore bajiro Pascua boserũmɰ yito mani” yigɰ, oveja s̄iar'i ri'ire cojovi rɰyabeto sojerire turotimasiñuju. Tire ĩamasicõari, Israel ñamasir'i jānerabatia ĩna r̄ia cutisũoriarãre “Dios ĩ cõagũ ángel, s̄iagũ s̄ajabeticõato” yigɰ, yimasiñuju Moisés ñamasir'i.

29 “İ yirore bajiro yigɰ ñagũmi Dios”, yituoĩarã ñamasiniñujarã Israel ñamasir'i jānerabatia quẽne. To bajiro Diore tũoĩarã ñari, Diore ajitirũnɰcõari, moa riaga Oco Sũarisa vãme cutiyare jẽamasiniñujarã. Dios ĩ masise sũori “Riagare jẽato” yigɰ, oco mano ĩ yibosajare, carari maare jẽamasiniñujarã ĩna. To bajicõari, egipcio masa ĩnare tũorɰarã, sɰyajẽamasiboayujarã. ĩna jẽaejabetone, ruureacõamasiniñuju Dios.

30 To bajiro ĩna bajimasiriario bero, Israel ñamasir'i jānerabatia Jericó vãme cuti macare ĩmarɰarã, ti macare ĩna matariacũni sɰyarojuare ejacõari, cojomo cõro jɰa jēnituarirãcarũmuri r̄aja ḡanibiarũgũmasiniñujarã ĩna. To bajiro ĩna bajirone, “İ yirore bajiro yigɰ ñagũmi Dios” yituoĩarã ĩna ñajare, ti maca matariacũni cague vējacoamasiniñuju ti.

31 Ti macago Rahab vãme cutigo, ũmɰare ajeriarã cuticõari, vaja sēnigõ ñaboarine, “İ yirore bajiro yigɰ ñagũmi Dios”, yituoĩagõ ñamasiniñuju so. To

bajiri Israel ñamasir'i jānerabatia juarã ĩarudirimasa ejarãre quẽnaro ĩnare yimasiñuju so. Quẽnaro ĩnare yirio ñari, so ya macana Diore ajirãcũbũobetiriarã rãca rijabetimasiñuju.

³² Jẽre jairo mũare gotibũ yũ. Tire bajiro Diore tũoĩamasiriarã jediro ĩna bajimasirere yũ ucajama, yoaro ucabogũja yũ. Gedeón, Barac, Sansón, Jefté, David, Samuel, to yicõari, Diore gotirẽtobosariarã jediro ĩna bajimasirere quẽne ucabogũja yũ.

³³ ĩna quẽne, “Ī yirore bajiro yigũ ñagũmi Dios” yitũoĩarã ñari, gaje sitana rãca ĩna gãmerã sĩajama, ĩnajũa rĩne, ĩnare sĩacõarũgũmasiñujarã ĩna. Gãjerãma, quẽnaro masare rotimasiñujarã ĩna, ĩna yarãre, “Quẽnaro gãmerã yato” yirã. Gãjerãma, rojose tãmũorã ñari, “Yũare ejarẽmoña” yirã, Diore sēnimasiñujarã ĩna. To ĩna yijare, ĩ gotiriarore bajirone ĩnare ejarẽmomasiñuju Dios. Gãjerãrema, “Ī yirore bajiro yigũ ñagũmi” Diore ĩna yitũoĩajare, “Yaia, león vãme cõtirã ĩnare babeticõato”, yiyumi Dios.

³⁴ Gãjerãma, jeame buto ãjũroju ĩna reatĩariarã ñaboarine, mũabetimasiñujarã. Gãjerãma, ĩnare ĩaterimasa jariaseri rãca ĩna sĩaruasere ĩacõari, rudimasiñujarã. Gãjerãma, tĩmabetiboariarãne, Dios ĩnare ĩ ejarẽmojare, tĩmarã ñacoasujarã ĩna. To bajiri, ĩnare ĩaterã sĩarã ejarãre ĩnajũa rĩne sĩareacõarũgũmasiñujarã.

³⁵ Rõmia quẽne, “Ī yirore bajiro yigũ ñagũmi” Diore ĩre yitũoĩarã ñari, bajireacoanare Dios ĩ mase sũori ĩ cãtiorãre yarã cãtiyujarã.

Gãjerãma, “Ī yirore bajiro yigũ ñagũmi Dios” yitũoĩarã, ado bajiro bajiyujarã: ĩnare

ĭaterimasa ĭnare ñejecōari, “Dios ocare m̃u ajitir̃uñu t̃ujabetijama, m̃ure s̃iaruar̃aja yuñ”, ĭnare yigotiyujar̃a ĭna. To bajiro ĭna yiboajaquēne, “ĭ yirore bajiro yigu ñagūmi Dios” yir̃a, ĭnare güimenane, ado bajiro t̃uoĭañujar̃a ĭna: “ĭna s̃iacōajaquēne, tudicaticōari, Dios t̃uj̃u r̃ētoro quēnaro ñaruar̃aja mani”, yit̃uoĭamasiñujar̃a ĭna. To bajiro yir̃a ĭna ñajare, ĭnare s̃iacōañujar̃a.

³⁶ Gãjer̃a quēne, “ĭ yirore bajiro yigu ñagūmi Dios” yit̃uoĭar̃a ñari, ado bajiro rojose t̃am̃uoñujar̃a ĭna: ĭnare ajatud'icōari, ĭnare bajeyujar̃a. Gãjer̃arema, ĭna ãmorij̃u cōmemarine s̃iacōari, tubibecũñujar̃a ĭna.

³⁷ Gãjer̃arema, gütane ĭnare reas̃añujar̃a. Gãjer̃arema, ĭna ruju gudarecone yijetas̃iacōañujar̃a. Gãjer̃arema, jariaseri r̃aca ĭnare sares̃iacōañujar̃a ĭna. Gãjer̃ama, sudi manijare, vaib̃uc̃gasene s̃añañujar̃a. To bajicōari ĭna ñaroti maca b̃ujamenane, maioro rojose yiecocudir̃ugũñujar̃a ĭna.

³⁸ “ĭ yirore bajiro yigu ñagūmi Dios”, yit̃uoĭar̃a ñañujar̃a ĭna. Dios ĭ ĭamair̃a ñaboarine, gãjer̃a ĭna ĭater̃a ñari, ĭna ñaroti b̃ujamenane masa manoj̃u, gütayuc̃ari vatoaj̃u gütavirij̃u ñacudiyujar̃a ĭna.

³⁹ Rojose t̃am̃oriar̃a m̃ure yu gotir̃a, jediro ñañujar̃a “ĭ yirore bajiro yigu ñagūmi Dios” yit̃uoĭar̃ar̃a. To bajiro Diore t̃uoĭar̃a ñari, “Manire ĭavariquēnagūmi Dios”, yit̃uoĭañujar̃a ĭna. To bajise t̃uoĭar̃a ñaboarine, nij̃uane “Quēnaro yir̃uc̃aja yu” Dios ĭ yirere yiecobesuma maji.

⁴⁰ ĭna t̃uoĭase r̃ētoro quēnase ĭ yir̃uajare, to bajiro bajiyuma maji. To bajiri, yuc̃rema, mame Dios ĭ

vasoase ñajare, ñinare, manire quẽne, “Rojose mana ñaama”, yĩagũmi Dios.

12

“Cristore ajitirũnũcõa ñarũgũrũarãja mani”, yire queti

¹ To bajiro mani ñicua ñna bajirere mani ajijama, “ Ñ yirore bajiro yigu ñagũmi’ Diore ñre yitũoĩacõari, quẽnaro ñre ajitirũnũñuma ñna”, yimasiaja mani. To bajiri josase ti ñaboajaquẽne, mani quẽne, Diore ajitirũnũ tũjabeticõato mani. Mani tũana rojose manire ñna yirotijama, ñinare cũdibetirũarãja mani, “Ñna sũori Dios ñ bojabeti yirobe” yirã. Jesucristo, adigodojũ ñagũ Diore ñ ajitirũnũriarore bajiro mani quẽne Diore ajitirũnũcõa ñarũgũrũarãja.

² Cristore tũoĩatũjabetiroti ñaja manire. Ñne ñnaami mani tũoĩamasirotire cõagũ. To bajiri, manire ñ ejarẽmojare, “Ñ yirore bajiro yigu ñagũmi Dios”, yitũoĩa tũjabeaja mani. Yucũtẽrojũ masa ñre ñna jajuturo, bũto rojose tãmũogũ ñaboarine, Dios tũjũ quẽnaro ñ ñarotijũare tũoĩagũ ñari, ñre ñna yirotire, “Yibeticõato”, yibesumi. To bajiri manire rijabosacõari, yucũrema, õ vecajũ Dios ñ rotiñarojũ ñ riojojacatũa rũcũbũoriajũre rujigũ ñagũmi.

³ Jesús adigodojũ ñ ñaro, bũto rojose ñre ñna yiboajaquẽne, quẽnasejũare yicõa ñaũumi. To bajiri mani quẽne, rojose tãmũorã ñaboarine, quejemenane, quẽnasejũare yicõa ñarũgũroti ñaja.

⁴ Jesucristo rojose ñ tãmũoriarore bajiro tãmũomenaja mũa maji. To bajiri, rojose tãmũorã ñaboarine, ñacõarãja mũa.

5 Diore ajitirũnrã ñari, ã rĩare bajiro bajirãre, “Rojose tãmũorã ñaboarine, Ñ yirore bajiro yigũ ñagũmi’ yũre yitũoĩa tũjabeticõato ãna” yigũ, mũare gotimasioñumi. Tire masiritirãja mũa. Ado bajise gotiaja ti Dios ocare masa ãna ucamasire:

“Масу, ‘Ado bajirojũa yiya’, mũre yũ yisere ajitebesa. Rojose tãmũogũ ñaboarine, yũ bojarore bajiro yicõa ñaña.

6 Yũne ãna jacũre bajiro bajigũ ñari, yũ mairãre, ‘Ado bajirojũa mũa yijama, quẽnarũaroja’ ãnare yirũgũaja yũ”, yigotiaja Dios ocare masa ãna ucamasire.

7 To bajiri, rojose tãmũoboarine, “Ñ yirore bajiro yigũ ñagũmi Dios”, yitũoĩa tũjabesa mũa. Rojose mũa tãmũose sũorine quẽnaro mũare ã yirore masiogũ yigũmi Dios. Sĩgũ ã rĩare ã gotimasiorore bajiro yigũ, yigũmi Dios, “Yũ bojarore bajiro yirã ñato” yigũ. Rĩa cõtirã jedirone, ãna rĩare gotirũgũrãma.

8 To bajiri, Dios quẽne, “Yũre ajitirũnrã ñari, yũ rĩare bajiro bajirã ñaama” yigũ, ãnare gotimasiorũgũami Dios. To bajiro mũare Dios ã yibeti-jama, jacũ manare bajiro ñaborãja mũa.

9 Mani jacũa, manire ãna yirere tũoĩato mani. Rĩamasaca mani ñaro rojose mani yijare rojose manire yiriarãma ãna, “Yũa bojarore bajiro yirã ñato” yirã. To ãna yirore ajirũcũbũoriarãja mani. To bajiri Dios quẽne, “Yũre bajiro quẽnaro yirã ñato” yigũ, rojose mani yijare, rojose manire ã yijama, bũtobũsa ãre ajirũcũbũoroti ñaja manire. ãre mani ajirũcũbũojama, mani rijato bero, tudicaticõari, ã rãca quẽnaro ñacõa ñarũgũrũarãja mani.

¹⁰ Mani jacua, ñna gotimasiojama, ñna yimasiro cõro manire gotimasioriarãma ñna. Diojuma, masijeogu ñari, “Ado bajirojua ñna yijama, quẽnaja”, yimasigũ ñagũmi. To bajiro yigu ñajare, yucurema rojose tãmooboarine, quẽnaro ñre mani ajirũcubuo tujabetijama, ñre bajiro quẽnaro yirã ñaruarãja mani.

¹¹ Rojose mani yise vaja “Rojose tãmoato ñna” yigu, Dios rojose manire ñ yijama, sutiritirãja mani. Rojose mani tãmosere tuoĩacõari, “Ado bajise manire yimasioyũ yigumi Dios” mani yituoĩamasijama, ñ bojarore bajiro yiroti ñaja. To bajiro mani yijama, quẽnaro ñaruarãja mani.

“Dios ocare mani ajitirũna tujajama, gũiose ñaja”, yire queti

¹² To bajiri, “Dios manire ñ gotiriarore bajirone quẽnaro yirucumi” mua yituoĩa suocatore bajiro yituoĩaña mua quẽna. Tire tuoĩacõari, mua yimasiro cõrone Diore quẽnaro ñre ajitirũnũña mua, “Ñajediro Dios ñ gotiriarore bajirone quẽnaro manire yato” yirã.

¹³ To bajiri, Dios ñ bojasere yiruarã, quẽnaro tuoĩaña mua. Quẽnaro tuoĩacõari, ñ bojarore bajiro mua yijama, mua babarã quẽne Cristore butobusa ajitirũnũarãma ñna.

¹⁴ Mua jediro, quẽnaro gãmerã yirũgũruarãja mua, “Quẽnaro ñacõari, butobusa Dios ñ bojarore bajiro yirã ñato mani” yirã. To bajiro mua yibetijama, Diorãca quẽnaro ñabetiruarãja.

¹⁵ Mua rãcana ñajedirore quẽnaro ejarẽmorũgũruarãja mua, “Cristo suorĩ Dios quẽnaro manire ñ yisere, ‘Socase ñaja’ yituoĩaroma

ĩna” yirã. Socase yigũ ĩ ñajama, “Ĩ suorine Dios ocare ajitirãnu tãjacõari, ĩũare ajisũyaroma” yirã, quẽnaro gãmerã ejarẽmorũgũña.

16 To yicõari, “Gãmerã ajeriarã cutiroma” yirã, mua rãcanare quẽnaro gotiruarãja mua. Esaú ñamasir'ire bajiro yibeticõaña mua. ĩ gagũ ñaboarine, bare barũne, “Yũre mũ ecajama, mũ bedire bajiro bajirũcũja yũ”, ĩre yimasiñuju. To yicõari, “Mani jacũ ĩ rijaroto rĩjoro, ‘Yũ macũ ñasũogũ ñaami’ ĩ yirocũ ñarũcũja mũ. To ĩ yirocũ ñari, ‘Quẽnaro yirũcũja’ Dios ĩ yirere yiecorocũ ñarũcũja mũ”, yimasiñuju Esaú, ĩ bedire.

17 “Dios ocare ajirũcũbuobecũ ñañumi”, ĩre yimasiaja mani, ado bajiro ĩna bajimasire ñajare: ĩ jacũ ĩ bajirocaroto rĩjoro, “Ĩ gagũ ñaja mũ. To bajiri quẽnaro mũre yirũcũmi Dios”, ĩ jacũ ĩ yisere ajirũamasiboayuju Esaú. “Jẽre mũ bediũare gotiyuja yũ” ĩ yisere ajicõari, bũto otiboarine, “Quẽnaro yirũcũja” Dios ĩ yirere bũjabetimasiñuju Esaú.

18 To bajiri, mame Dios ĩ vasoasere ajirũcũbuorã ñari, mũama, mani ñicũa ĩna ĩamasire ũnire ĩabesuja mua. ĩnama, gũtaũju ñacudir'i Moisés ĩ rojaejaro bero, gũtaũ ti ũjũsere ĩañuma. To bajicõari ti buesene rẽtiacõamasiñuju. Bũto bũjo quẽne jamasiñuju. To bajicõari, mino bũto vamasiniñuju.

19 To bajiro ti bajirone, jutiria trompeta vãme cutia bũsisere ajicõari, bũto gũimasiñujarã ĩna. To bajicõari, Dios ĩ ocaruyusere ajimasiñujarã ĩna. Tire ajigũicõari, to cõrone ĩ ñagõtũjasere bojamasiñujarã ĩna.

20 Dios ĩ rotirere no bajiro yimasibetica yirã, “To

cõrone ñagõtũjato”, ãre yimasiñujarã. Ado bajiro ãnare rotimasiñuju Dios: “Sĩgũ masũ, to yicõari, vaibũcũ ãgũ quẽne gũtaũre ã cũdajama, gũtane reasĩacõaroti ñaja”, yimasiñuju.

21 Ñna ãmasire bũto gũiose ti ñajare, Moissĩs ñamasir'i quẽne, “Gũigũ, nanaja yũ”, yimasiñuju.

22 Mani ñicũa ãna bajimasiriarore bajiro bajirã me ñaja mũama. To bajiri, õ vecajũ ñaricũ gũtaũ joejũ ñarimaca Jerusalén vãme cõtĩ macajũ Dios ñacõa ñarũgũgũ ya macajũ ñarãre bajiro bajiaja mũa. To bajicõari, Dios tuana jãjarã ángel mesa rẽjacõari, Diore ãna rũcũbũorojũ ñarãre bajiro bajiaja mũa.

23 To bajicõari, “Ado cõro ñaama yũ rãca ñarũgũrona” Dios ã yucaturiarã ñari, ã tũjũ ñarã rãca rẽjarãre bajiro bajiaja mũa quẽne. Masa ñajedirore ãbeserocũ tũjũre gũimenane ejarãre bajiro bajiaja mũa. Rojose yiriarã ñaboarine, Jesũre ajitirũnũriarã ãna ñajare, ã tũjũ ãna ejaro, “Rojose mana ñaja mũa” Dios ã yĩriarã rãca ñarãre bajiro bajiaja mũa quẽne.

24 To bajiri, Jesũs tũjũ ejarona ñaja mũa. Ñne ñaami, “ ‘Mame oca mũare vasoarũcũja yũ’ Dios ã yiriarore bajiro bajiato” yigũ, manire rijabosar'i. To bajiri, ã ri'i sũorine, “Rojose mana ñaama”, manire yĩãñumi Dios. To bajilboarine tirũmũjũ, Abel ñamasir'i ã sãacomasirejũama, “ Ñ ri'i sũorine ‘Rojose mana ñaama’ masare Dios ã yĩiaroti me ñamasĩñuja”, yimasiaja mani.

25 To bajiri Cristo ã rijabosare sũorine mame oca Dios ã vasoarere ajitirũnũroti ñaja. Moissĩs ñamasir'ire Dios ã roticũmasirere cojojĩ me ãna

cudibetijare, rojose ñnare yirũgũmasiñuju Dios, “Yitũjacõari, yũ bojasejũare yato ñna” yigũ. To bajiro ñ yimasire ñajare, mame ñ vasoasere quẽne mani ajibetijama, “Rojose manire yirũcumĩ”, yimasiaja mani.

²⁶ Gajeyerema tirãmũju mani ñicua ñamasiriarãre gotigũ, sita nũũaroju ñagõmasiñuju Dios. Ñ ocare masa ñna ucamasire quẽna ñ yiyotire ado bajiro gotiaja: “Quẽna yinũũojama, adi macarũcũroaye, õ vecayere quẽne yinũũobatorũcũja yũ”, yigotiaja, Dios ocare masa ñna ucamasire.

²⁷ To bajiro quẽna Dios, “Yirũcũja” ñ yirere mani ajijama, “Adi macarũcũro ñase jediro ñ rujeore reajeocõarũcumĩ”, yimasiaja mani. Rẽmojuane “Yayibetirũaroja” ñ yirũjeore rĩne rũyarũaroja ti.

²⁸ To bajiri socase me ti ñajare, “Diore ajitirũnũriarã ñna bajireajama, ñ rotiñaroju ñna caticõa ñnartire yigũ, ñ catisere ñ ñsiriarã ñnari, ñ rãca ñnarũgũrũarãma”, yimasiaja mani. To bajiro mani bajiroti ti ñajare, Diore rũcũbũorã, “Quẽnaro yũare yaja mũ”, ñre yisẽnito mani. To yicõari, ñ bojarore bajiro yirũgũto mani, “Manire ñajũnisinicõari, rojose manire yiromi” yirã.

²⁹ Ñ bojabeti yirãre rojose yigũ ñ ñajare, ñ bojarore bajiro yiroti ñaja manire.

13

“Ñavariquẽnato Dios” yirã, quẽnaro mani yiroti queti

¹ To bajiri adi mũare gotitũsaja yũ: Ado bajiro yĩñaña mũa, “Manire ñavariquẽnato Dios” yirã. Cristo yarã ñnari, gãmerã ñamaitũjabesa mũa.

² Gajeroana m̄ua masimena Cristore ajitir̄anur̄ã m̄ua t̄u ãna ejajama, quẽnaro ãnare yir̄uar̄ãja m̄ua. Mani ñic̄ua quẽne, gajeroana ãna masimena ãna ejaboajaquẽne, quẽnaro ãnare yir̄ugũmasiñujar̄ã ãna. To yir̄ã ñari, cojojirema ángel mesare “Dios ã cõariar̄ã ñar̄ãma” yimasibetiboarine, quẽnaro yimasiñujar̄ã ãna.

³ Gãjer̄ã Cristore ajitir̄anur̄ãre tubibe ecor̄ãre masiritibesa m̄ua. Mani quẽne mani tubibe ecojama, “Quẽnabetoja” yit̄uoĩar̄ã ñari, ejar̄ẽmoña. Gãjer̄ãre quẽne, rojose ãnare ãna yijama, m̄ua quẽne ãna r̄ãca rojose t̄ãm̄uor̄ãre bajiro ãnare ãamaicõari, ejar̄ẽmoña m̄ua.

⁴ Gãmer̄ã m̄ua bojasere quẽnaro r̄ũc̄ub̄uoroti ñaja. Manajo c̄utir̄ã, manaj̄u c̄utir̄ã, manajo mana, manaj̄u mana quẽne gãjer̄ã r̄ãca ajeriar̄ã c̄utibesa. To bajiro m̄ua yijama, “Rojose t̄ãm̄uor̄uar̄ãma”, m̄uare yir̄uc̄umi Dios.

⁵ Jairo gãjõa c̄uor̄ua t̄uoĩabesa m̄ua. Mojoroaca c̄uor̄ã ñaboarine, “Jẽre ñacõaja”, yit̄uoĩacõãña m̄ua. Ado bajiro Dios ã yirej̄uare t̄uoĩãña: “M̄uare vaveobec̄une, m̄u r̄ãca ñacõã ñar̄ũgũr̄uc̄uja ȳu”, yiyumi Dios, manire.

⁶ To bajiro ã yirere mani ajijama, “Soc̄u me yiyumi” yimasicõari, Dios oca ti gotirore bajiro ado bajiro yimasiaja mani:

“Dios ñaami rojose ȳu t̄ãm̄uoro, ȳure ejar̄ẽmogã. To bajiro rojose ȳure yir̄ãre güibeaja ȳu”, yaja mani.

⁷ Cristo ocare m̄uare gotimasios̄ucana ãna bajicatire masiritibesa m̄ua. “Ï yirore bajiro yiḡu ñagũmi Cristo” yit̄uoĩar̄ã ñari, ãre ajitir̄an̄u

tujamenane, bajireacoacama ñna. Ñna bajicatore bajiro, Cristore ajitirũnũ tujabesa mũa quẽne.

⁸ Jesucristo ñagũmi tuoĩavasoabescu, cojojire bajiro quẽnaro yirũgũgũ. To bajiri mũare gotimasiosũocanare quẽnaro ñnare ejarẽmor'i, manire quẽne to bajirone ejarẽmocõa ñarũgũrucami.

⁹ Mũare ñna gotimasiosũocatire bajiro me, ricati ñna gotimasiosere ajitirũnũbeticõañna mũa. Ado bajiro mũare gotirũgũrãma ñna: “‘Babetirũarãja mũa’ mani ñicũa ñamasiriarã ñna yimasirere mũa ajirũcũbũojama, quẽnaja”, mũare yirãma ñna. To bajiro mũare ñna yigotise me, ado bajiro mũa yituoĩarũgũsejua ñaja quẽnase: “Dios manire ñamaicõari, manire ejarẽmorũcumi” mũa yituoĩarũgũsejua ñaja quẽnase. To bajiro mũa tuoĩajama, bũtobũsa ñ bojarore bajiro yirã ñarũtuarũarãja mũa.

¹⁰ Cristo manire ñ rijabosare sũori Moisere Dios ñ roticũmasirore bajiro me bajiaja. Moisere Dios ñ roticũmasirere ajitirũnũrã, rojose ñna yisere “Masirioato Dios” yirã, “Vaibũcũrã soemũocõa ñaroti ñaja” yituoĩarã ñna ñajare, “Rojose mana ñaama”, ñnare yĩabescuĩ Dios. Manijũarema, vaibũcũ rii ñna soemũose ñnarene yigũ, Cristo ñ rijabosare sũori, “Rojose mana ñaama” Dios ñ yĩarã ñaja mani.

¹¹ Moisere Dios ñ roticũmasirere ajitirũnũgũ paia mũjũ ñamasugũma, vaibũcũ ñna sĩar'i ri'i ĩoriabajare ãmisãjacumi, Dios ñ ñarisõa vãme cuti sõajũ, “Rojose ñna yisere masirioato Dios” yigũ. Ñ sãjatoye, vaibũcũ rujũjũarema ti maca sojũajũ ãmivacõari, soerocacõarãma ñna, ñre ñaterã ñari.

12 To bajiro vaibucure ĩna ĩaterore bajiro bajiyumi Jesús quēne. Jerusalén maca sojmaꝝ yucútēroꝝ jajusĭa ecoyumi, rojose mani yisere manire yirētobosagu. To bajiro bajiyumi, “Rojose mana ĩaama” manire Dios ĩ yĭarotire yigũ.

13 To bajiro Jesús ĩ bajibosare ĩajare, Moisére Dios ĩ roticũmasirere ajitirũnrã rojose mũare ĩna yiboajaquēne, tire ajirũcũbũo tũjacõari, mame Dios ĩ vasoarejũare ajitirũnrõti ĩaja mũare.

14 To bajiro bajirũarãja mũa, adigodoayere tũoĩabeticõari, “Dios ĩ ĩarimaca ĩaja mani ĩacõa ĩarũgũroti maca” yitũoĩarã ĩari. “Adi macarũcrojũrema manoja mani ĩacõa ĩarũgũroti maca”, yimasirãja mũa.

15 To bajiri, Jesucristo ĩ rijabosare sũori, Diorãca mani ĩacõa ĩarũgũroti ti ĩajare, vaibucũrãre sĭacõari, ĩna soemũose ũnirere yirã, “Quēnamasucõaja mũ” Diore yirũcũbũo tũjabetiroti ĩaja, manire.

16 To yicõari, “Quēnaro gãmerã yiroti ĩaja manire” yirere masiritibeticõaña mũa. To yicõari, mũa tũana maioro ĩna bajisere masicõari, mũa cũose ĩnare ĩsiña. To bajiro mũa yijama, Dios ĩ ĩavariquēnase yirã, yirũarãja mũa.

17 Mũare ũmato ĩnarãre quēnaro cũdiya mũa. “¿No bajiro ĩnare ĩatirũncati mũa? manire yisēniĩagũmi Dios” yimasirã ĩari, tocãrãcarũmũne, “Diorãca quēnaro ĩato ĩna” yirã, mũare ĩatirũnrũgũrãma ĩna. To bajiri, quēnaro ĩnare mũa cũdijama, to bajiro mũa yisere, “Ado bajiro quēnaro mũre ajitirũncama ĩna”, Diore ĩre yivariquēnarũrãma ĩna.

18 To bajiri, “Dios ĩ bojarore bajirone yato ĩ”

yirã, Diore yure sēnibosaya. Dios ï bojase jediro yirũgũaja у. To bajiro yigũ ñari, тuõïarejaibecane ñacõaja у.

¹⁹ To yicõari, yoaro mene quēna mua tu у varotire yirã, yure sēnibosaya mua, Diore.

“Quēnaro mware yato Dios”, yire queti

²⁰ “Quēnaro ñato ña” yigũ manire ejarēmogũmi Dios. Ñe ñagũmi, mani ujũ Jesús manire ï rijabosaro bero, ïre cator'i, ïre catiocõari, “Ovejare ïatirũnũgũre bajiro, у yarãre quēnaro ñare ïatirũnũrũcũja му” ïre yir'i. Jesús ï rijabosare suorine, “Rojose ña yisere masiriocõari, quēnaro yirũcũja у” masare Dios ï yimasiriarore bajirone bajiyuja. To bajiro ï yise jedibetirũaroja.

²¹ Ado bajiro Diore mware sēnibosaja у: “ ‘Mu bojarore bajiro yato ña’ yigũ, ñare ejarēmoña му”, mware yisēnibosaja у, Diore. “ ‘Jesucristo ï ejarēmose rãca quēnaro yaja mua’ yivariquēnato” yigũ, Diore mware sēnibosaja у. Quēnarētogũ Cristo ï ñajare, “Quēnamasucõaja му”, ïre yirũcũbũo tũjabetiroti ñaja, manire. To bajirone bajicõa ñarũgũato.

²² Mojoroaca mware papera ucacõaja у. To bajiri, “Bũtobũsa, ‘Ï yirore bajiro yigũ ñagũmi’ Cristore ïre yitũoïato ña” yigũ, mware у gotisere quēnaro tire ajimasĩña mua, у mairã.

²³ Mani maigũ Timoteore ña tubiber'ire jēre ïre bucõañujarã. To bajiri, yoaro mene ï ejajama, ï rãca mua tũjũ varũcũja у.

²⁴ Mware ũmato ñarimasa, to yicõari, mua rãcana Jesucristore ajitirũnũrã jediro, “Quēnato”. “Quēnato”, mware yama Italia sitana quēne.

²⁵ Dios, m̄are ãamaigũ ñari, quẽnaro m̄are yato
ĩ.
To cõro ñaja.

**Dios oca gotirituti
New Testament in Barasana-Eduria
(CO:bsn:Barasana-Eduria)**

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

b6661d38-f021-5259-8010-5dec5b9ba28d